

四庫全書

史部

欽定四庫全書

御批資治通鑑綱目卷五下

乙未孝昭皇帝始元元年夏益州夷反募吏民發牛犂命

擊破之○秋七月赦○大雨至于十月

書法

七月至于十月恒雨也故謹書之綱目書大雨是年成帝建始三年新莽乙亥年庚辰

年

靈帝建寧二年獻帝建安十八年有書六十餘

日者矣庚辰年未久也書霖雨六詳秦二世二年

書雨水十五年書雨二有書六月至于九月者矣靈

帝中平六年未大也大而且久莫甚於此時矣

燕王旦謀反赦弗治黨與皆伏誅考異

燕上漏園子

初武帝崩賜諸侯王璽書燕王旦得書不肯哭曰璽
書封小京師疑有變遣幸臣之長安問禮儀陰刺侯
朝廷事及詔賜錢益封旦怒曰我當為帝何賜也遂
與齊孝王孫澤等結謀詐言以武帝時受詔得職吏
事脩武備備非常為姦書言少帝非武帝子天下宜
共伐之使人傳行郡國以搖動百姓澤謀歸發兵臨
菑旦招來郡國姦人賦歛銅鐵作甲兵數閱其車騎
材官卒發民大獵以講士馬湏期日殺諫者韓義等
凡十五人八月青州刺史雋不疑收捕澤等以聞遣
大鴻臚丞治連引燕王詔以燕王至親勿治而澤等
皆伏誅

集覽

陰刺侯陰猶言暗地也刺七
迹反周禮注刺探候伺也

質實

雋不疑
渤海人

書法

書敕弗治何燕王刑也弗治之辭二燕王旦
謀反敕弗治失有罪之辭也譏也有司奏梁

王立罪寢不治存厚之辭也美也美惡不嫌同辭
終綱目書弗治二書謀反敕二曰秦苛重皆赦而

復反者也

以雋不疑為京兆尹

不疑為京兆尹吏民敬其威信每行縣錄囚徒還其
母輒問不疑有所平反活幾何人即多所平反母喜
笑異他時或無所出母怒為**集覽**行縣行下孟反謂
不食故不疑為吏嚴而不殘至諸縣有所按察
也續漢志云郡國以春月行所至縣勸民農
桑振救乏絕錄囚徒注見明帝永平十四年

書法

不疑京兆尹始此終西漢之世書京兆尹八雋
不疑趙廣漢黃霸張敞王尊王章王駿何武

皆嚴能吏也惟黃霸以
不稱職書罷歸故官

九月車騎將軍秭侯金日磾卒

初武帝以日碑捕反者馬何羅功遺詔封為柁戾日碑以帝少不受封及病困光白封之卧受印綬一日薨謚曰敬日碑兩子賞建俱侍中與上卧起賞奉車建駙馬都尉及賞嗣侯佩兩綬上謂光曰金氏兄弟兩人不可使俱兩綬耶對曰賞自嗣父為侯耳上笑曰侯不在我與將軍乎對曰先帝之約有功乃得封止徒遂集覽柁戾柁縣屬濟陰漢書音義曰柁與柁通音都故反今濟陰成武縣有柁亭賞奉車百官表有奉車都尉掌御乘輿車達駙馬都尉百官表有駙馬都尉掌駙馬

閏月遣使行郡國舉賢良問民疾苦○冬無冰

書法

綱目書無冰二是年武帝元狩六年舍是無書者史畧之也

丙申二年春正月封大將軍光為博陸侯○以劉辟彊

劉長樂為光祿大夫

或說霍光曰將軍不見諸呂之事乎攝政擅權而背宗室不與共職是以天下不信卒至於滅亡今將軍當威位帝春秋富宜納宗室又多與大臣共事則可以免患光然之乃擇宗室可用者拜二人光祿大夫辟彊守長

集覽

春秋富史記齊悼惠王世家注春秋富年少也比之於財方未匱竭故謂

樂衛尉

之春秋富辟彊守劉辟彊楚元王交之孫為郡太守長樂衛尉劉長樂為衛尉百官表衛尉掌官門衛屯

兵

正誤

辟彊守長樂衛尉今按楚元王傳霍光拜辟彊為光祿大夫守長樂衛尉漢制官吏初除

皆試守滿歲稱職乃為真長樂宮名也宣帝紀師古注亦云謂長樂宮之衛尉也百官表云長樂建章甘泉衛尉皆掌其宮師古注各隨所掌之宮以名官夫霍光專政或勸其納用宗室可以免患故擇二人可

用者官於朝何乃出辟彊
為郡守乎集覽之誤明矣

三月遣使振貸貧民種食○秋詔所貸勿收責除今

年田租

書法

除者何全免也武帝征斂百端經用不足昭
帝即位一年耳乃能全免天下今年田租亦

在乎人而已書除今年田租始此終經目書全除
天下今年田租四今年是年宣帝本始元年和帝永元
九年唐玄宗天寶十四載至於一州一道與夫量
免蠲免不與焉煬帝免天下今年租賦不書隋大
業一年玄宗免天下今年田租不
書唐開元二十七年泰也故削之

發明

自武帝多事已甚民困極矣霍光輔佐孝昭
初年問民疾苦是年振貸貧民今又除民田

祖凡此皆當時善政有補於民者也
經目詳而書之美蓋在其中矣

○匈奴狐康姑單于死子壺衍鞬單于立

初武帝征伐匈奴深入窮追二十餘年匈奴畜孕
重墮殯罷極苦之常有欲和親意未能得是歲單于
病且死謂諸貴人我子少不能治國立弟右谷蠡王
及單于死衛律等與顯渠閼氏謀矯單于令更立其
子為壺衍鞬單于左賢王右谷蠡王怨望不復肯會
龍城匈奴始衰

集覽

隋殯罷極隋落也殯胎散

也罷讀曰疲極困也言馬畜孕重者如是故匈奴苦
之右谷蠡王服虔曰谷蠡音鹿離匈奴之官有左右
谷蠡左谷蠡王以次為左賢王顯渠閼氏顯渠名也
閼氏注見高帝六年壺衍鞬單于之號也鞬丁奚反

丁酉
三年春二月有星孛于西北○秋募民徙雲陵○

冬十月遣祠鳳皇于東海質實

東海郡名注見桓帝永興二年

書法

書祠鳳皇病霍光也有學術者不至是甚矣自霍光一開其端是年而宣帝以鳳皇書者

六年始元年地節元年二年神爵元年三年甘露三年皆譏也故通鑑不書經目特書之終經目書

鳳皇

七

十一月朔日食考異

十上漏圖子

戊戌四年春三月立健仔上官氏為皇后赦

初霍光與上官桀相親善每休沐出桀常代入決事光女為桀子安妻生女年甫五歲安欲因光內之宮中光以為尚幼不聽蓋長公主私近子客丁外人安說外人曰安子容貌端正誠因長主時得入為后以

臣父子在朝而有椒房之重漢家故事常以列侯尚
主足下何憂不封侯乎外人言於長主以為然召安
女入為婕妤

集覽

休沐漢律吏五日得一休沐言休
息以洗沐也書記所稱曰歸休休

息休辭皆假也蓋長公主私近子客丁外人蓋公蜀
反泰山郡有蓋縣長公主為蓋侯妻故稱蓋長公主
私近家臣也猶言私人子客者人之嘉耦也姓丁名
外人椒房皇后所居以椒和泥塗壁取其溫暖而芳
辟除惡氣漢官儀曰椒房者取其蕃實之義

正誤

私近子客丁外人今按
此謂私竊昵近之也

質實

蓋縣名注見
元鳳元年

書法

於是帝年十二而后方五歲立后之幼
未有甚於此者桀私也亦大早計矣哉

發明

昭帝是年春秋十二而上官氏亦始五歲遽
乃正位中宮此則霍光不學之故爾經目書

此文無貶詞而義則在其中矣

秋令民勿出馬

詔曰比歲不登流庸未還往時令民集覽流庸謂流

出馬其止勿出請給中都官者減之

離庸調之

人中都官謂京

師諸官府也

正誤

流庸今按庸與傭同謂流移他處及傭作於人者

西南夷復反遣兵擊之○以上官安為車騎將軍考

異

上官二字當作后父按封拜例曰凡以親戚貴重者書其屬此年上官后初立即拜安為車騎將軍當書

后父安以著

謀逆之端

己亥五年春正月男子成方遂詣闕詐稱衛太子伏誅

有男子乘黃犢車詣北闕自謂衛太子公車以聞詔
公卿將軍中二千石雜識視至者並莫敢發言吏民
聚觀者數萬人右將軍勒兵闕下以備非常京兆尹
不疑後到叱從吏收縛或曰是非未可知且安之不
疑曰諸君何患於衛太子昔蒯瞶違命出奔輒距而
不納春秋是之衛太子得罪先帝亡不即死今來自
詣此罪人也遂送詔獄上與大將軍光聞而嘉之曰
公卿大臣當用有經術明於大誼者繇是不疑名重
朝廷在位者皆自以為不及也廷尉驗治何人竟得
姦詐本夏陽人姓成方遂居湖有故太子舍人謂
曰子狀貌甚似衛太子方遂利其言冀以得富貴坐
誣罔不道腰斬程子曰雋不疑說春秋非是然其處
事應機則不異於古人矣胡氏曰蒯瞶衛靈公之世
子也出奔於宋靈公未嘗有命廢之而更立他子也
靈公卒蒯瞶之子輒遂自立以拒蒯瞶亦未嘗有靈
公之命也蒯瞶叛父殺母當黜何疑然輒拒之則失

人子之道矣故春秋於趙鞅納蒯瞶書曰世子明其位之未絕也於石曼姑圍戚書齊國夏為首惡其黨輒也然則謂春秋是輒者非經旨矣彼據也稱兵闕下與父兵戰正使不死而父宥之其位亦不得有矣果來自詣但當以此下令叱吏收縛亦足以成獄而議刑矣不必引春秋也霍光不學故不能辨然其謂公卿當用有經術明

集覽

帝三年以聞公車令注見文

大誼者則格言也
奏蒯瞶違命出奔蒯瞶衛靈公世子之名與靈公夫人南子有惡欲殺南子靈公怒蒯瞶懼而奔宋蒯苦怪反瞶五怪反輒距而不納輒蒯瞶之子名也蒯瞶奔宋已而之晉衛人立輒為君是為出公晉大夫趙鞅送蒯瞶入衛衛距之不得入亡不即死以罪去國曰亡謂既亡去何不即就死地夏陽七國時衛入上郡少梁於秦秦惠王更少少梁曰夏陽徐廣曰夏陽在梁山龍門夏上聲正義曰少梁城在同州韓城南二

十三里夏陽城在韓城南二十里趙鞅晉大夫趙簡子也鞅於兩反書曰世子蘇子由古史曰春秋書晉趙鞅帥師納衛世子蒯賁于戚非世子而以世子名之者以其子輒得立於衛成其為世子故也案世子元子也穀梁傳僖五年公會王世子王世子云者唯王之貳也又曰天子世子世天下也疏云此云世天下者明其父在之故今傳以其特世父位故云世天下石曼姑園戚書齊國夏為首石曼姑衛人也戚衛之邑也國夏齊人也事在哀三年衛石曼姑主兵圍戚而春秋書曰齊國夏衛石曼姑帥師圍戚是春秋序齊為首也注云曼姑為子園父知其不義故推齊使為兵首戚不稱衛非叛人也曼音萬史記衛世家作石曼專索隱曰左傳作石圃此專音圃穀梁傳作曼姑專或音姑諸本多無曼字彼據也衛太子名據

質實

一統志云夏陽秦之縣名本晉之少梁邑也漢屬馮翊郡隋始析置韓城縣以古韓城為名唐

初置西韓州貞觀間州罷以縣屬同州五代梁屬河中府後唐復舊宋因之金改禎州元初州罷復為韓城縣尋復置禎州後罷以縣屬同州本朝因之屬西安府

罷儋耳真番郡

儋耳注見武帝元鼎六年真番注見武帝元封二年朝鮮

庚子六年春詔問賢良文學民間疾苦

諫議大夫杜延年言年歲比不登流民未盡還宜修孝文時政示以儉約寬和順天心說民意年歲宜應光納其言詔有司問郡國所舉賢良文學民間疾苦教化之要皆對願罷鹽鐵酒榷均輸官毋與天下爭利示以儉節然後教化可興桑弘羊難以為此國家大業所以制四夷安邊足用之本不可廢也於是鹽鐵之議集覽鹽鐵酒榷榷注見武帝天漢三年榷酒起焉

書法

前書遣使行郡國舉賢良問民疾苦矣於是再書霍光可謂有志於民矣下書罷榷酤官

皆美之也

蘇武還自匈奴以為典屬國

初蘇武既徙北海上廩食不至掘野鼠去草實而食之杖漢節牧羊卧起操持節旄盡落初武與李陵俱為侍中及陵降單于使至海上為武置酒設樂謂曰單于聞陵與子卿素厚故使來說足下虛心欲相待終不得歸漢空自苦亡人之地信義安所見乎足下兄弟皆坐事自殺太夫人已不幸婦亦更嫁矣獨有女弟男女存亡不可知人生如朝露何自苦如此且陛下春秋高法令無常人臣無罪夷滅者數十家安危不可知子卿尚復誰為乎武曰武父子無功德皆為陛下所成就位列將爵通侯常願肝腦塗地今得

殺身自效誠甘樂之臣事君猶子事父也子為父死無所恨願勿復言陵與武飲數日復曰子卿壹聽陵言武曰自分已死人矣王必欲降武請畢今日之驩效死於前陵見其至誠喟然歎曰嗟乎義士陵與衛律之罪上通於天因泣下霑衿與武決去後陵復至北海上語武以武帝崩武南鄉號哭歔血旦夕臨數月及是匈奴國內乖離常恐漢兵襲之於是與漢和親乃歸武及馬宏等宏前使西國為匈奴所遮亦不肯降故匈奴歸此二人欲以通善意於是陵置酒賀武曰足下揚名匈奴功顯漢室雖古竹帛所載丹青所畫何以過子卿陵雖驚怯令漢貫陵罪全其老母使得奮大辱之積志庶幾乎曹柯之盟此陵宿昔之所不忘也收族陵家為世大戮陵尚復何顧乎已矣令子卿知吾心耳陵泣下數行因與武決官屬隨武還者九人既至京師詔武奉一太牢謁武帝園廟拜為典屬國秩中二千石賜錢三百萬公田二頃宅一

區武留匈奴凡十九歲始

集覽

掘野鼠去草實而食之漢書音義曰去藏

以強壯出及還鬚髮盡白也蘇林曰取鼠所去草實而食之劉貢父曰北方野鼠之類甚多皆可食也武掘野鼠得即食之其草實乃頗去藏耳愚案去訓藏當音舉漢陳遵善書與人尺牘皆藏棄以為榮注奔通作去音舉亦藏也亡人之地亡讀與無同自分已死人分扶問反自度我之分劑已是死人矣竹帛簡書也索隱曰古未有紙書用竹簡或用帛故云竹帛猶言青史也庶幾乎曹柯之盟庶幾幸欲也幸欲得如曹沫與齊桓公會柯而盟也事注見秦王政二十年典屬國秦官典主也主歸義蠻夷其屬官有九譯令

書法

於是匈奴遣武及馬宏等歸宏不書嘉武節也終經目使書還三是年蘇武唐太宗貞觀

元年鄭元塙甲辰午後

唐李德明

惟武以美書

發明

武帝天漢元年書遣蘇武使匈奴至是凡十九年矣書還自匈奴則其全節可知然無褒

美之詞何哉蓋亦臣子當為之事故爾此又經目之深意也

夏旱○秋七月罷榷酤官

罷榷酤從賢良文學之議也武帝之末海內虛耗戶口減半霍光知時務之要輕徭薄賦與民休息至是匈奴和親百姓充實稍復文景之業焉

元鳳元年春三月徵有行義者韓福等至長安

賜帛遣歸

賜郡國所選有行義者韓福等五人帛各五十匹遣歸詔曰朕聞勞以官職之事其務修孝弟以教鄉里

令郡縣以正月賜羊酒有不集覽中牢漢儀云春桑
幸者賜衣被一襲祠以中牢生皇后親桑於苑

中蠶室養蠶于薄以中牢羊豕祠蠶神又左傳襄二
十二年鄭公孫黑肱有疾使黜官薄祭祭以特羊殷
以少牢注殷威也四時祀以一羊三年威祭以羊豕
然則中牢與少牢無別矣更當考之又少牢注見唐
太宗貞觀十九年

書法

書遣歸何譏也不遠徵之至則賜帛而已矣
故通鑑不書綱目特書之書徵士始此終綱

目書徵賢二十有一是年光武建武五年順帝陽
嘉二年永和二年桓帝延熹二年靈帝中平六年
後主建興四年魏主丁亥年晉武帝穆帝永和六
年孝武太元十二年宋孝末年魏主壬午年梁武
帝己卯年周主唐太宗貞觀元年高宗開耀元年
中宗神龍元年玄宗開元六年代宗大曆三年德

宗貞元四年憲宗元和元年昭宣帝天祐二年書
遣歸者一而已臣子不與焉書賜帛始此終綱目
書賜帛四是年齊甲戌年魏隋文帝開皇
十五年唐太宗貞觀七年惟此為譏辭

武都氏人反遣兵擊之考異

氏下本質實武都郡名
美人字質實注見武帝

元鼎六年

○夏赦○秋七月晦日食既

書法

食既大變也於是臣下有謀上者天之示人
昭昭矣故下書鄂邑公主等反誅終綱目書

日食三百六十七而書食既者十
有二未有無應者也詳惠帝七年

○八月鄂邑長公主燕王旦上官桀安等謀反皆伏誅

上官桀父子為丁外人求封侯霍光不許又欲令得
召見又不許長主以是大怨光而桀安亦慚自先帝

時桀位在光右及是皇后親安女光乃其外祖而顧
專制朝事由是與光爭權燕王旦自以帝兄不得立
常懷怨望桑弘羊欲為子弟得官亦怨恨光於是蓋
主桀安弘羊皆與旦通謀詐令人為燕王上書言光
出都肄郎羽林道上稱蹕擅調益莫府校尉專權自
恣疑有非常候伺光出沐日奏之桀欲從中下其事
弘羊當與諸大臣共執退光書奏帝不肯下明旦光
聞之止畫室中不入上問大將軍安在桀對曰以燕
王告其罪故不敢入有詔召大將軍光入免冠頓首
謝上曰將軍冠朕知是書詐也將軍無罪光曰陛下
何以知之上曰將軍之廣明都郎屬耳調校尉以來
未能十日燕王何以得知之且將軍為非不須校尉
是時帝年十四尚書左右皆驚而上書者果亡捕之
甚急桀等懼白上小事不足遂上不聽後桀黨與有
譖光者上輒怒曰大將軍忠臣先帝所屬以輔朕身
敢有毀者坐之自是桀等不敢復言李德裕曰人君

欽定四庫全書

卷五下

之德莫大於至明明以照姦則百邪不能蔽矣漢昭
帝是也使得伊呂之佐則成康不足侔矣○桀等謀
令長公主置酒請光伏兵格殺之因廢帝而立燕王
驛書往來外連郡國豪傑以千數旦以語相平平曰
左將軍素輕易車騎少而驕臣恐其不能成又恐既
成反大王也旦不聽安果謀誘燕王至而誅之因廢
帝而立桀會蓋主舍人父燕倉知其謀以告杜延年
延年以告大司農
楊敞敞素謹畏事乃移病卧以告杜延年延年以聞

九月詔捕桀安弘羊外人等并

集覽

為丁外人求封

宗族悉誅之蓋主燕王皆自殺
納女為后嘗許外人以封侯而託其言於蓋主出都
肄郎孟康曰都試肄習也顏師古曰都大也太閔試
習武備也郎謂郎官羽林道上稱蹕羽林掌送從初
名建章營騎後更名羽林騎漢儀云皇帝輦動左右
侍帷幄者稱營出殿則傳蹕止人清道此言霍光於
羽林營中道路上亦稱蹕也止畫室中止居也室中

有武帝所賜周公負成王朝諸侯之圖畫將軍之廣
明都郎屬耳之往也廣明東都門長安東郭門也往
廣明時道經羽林營顏師古曰屬近也史作近耳謂
霍光往廣明都肆郎時是近日事豪傑豪縱桀黠不
羈之士也旦以語相平語去聲上與下言也燕王旦
之相名平左將軍上官桀車騎車騎將軍上官安舍
人父燕倉蓋主之舍人父姓燕名倉舍人注見漢王
劉邦三年移病卧劉貢父曰移文稱病而卧也漢諸
書云謝病皆同義姚崇病牀移告注移病于外休假曰告
正誤羽林今按林字句
大學衍義注郎羽林者宿衛之士謂郎及羽林也畫
室今按畫室謂彩畫之室成帝生於甲館畫堂注亦
謂宮殿中彩畫之堂武帝使黃門畫周公
負成王圖賜霍光安知又畫於室中乎
質實一統
蓋古邑名春秋時屬齊孟子謂蓋大夫驩指此漢初
置縣屬泰山郡後廢之隋嘗於此置東安縣故城在

青州府沂水縣西北七十里楊
敞華陰人杜延年南陽杜衍人

書法

於是主及旦自殺耳書皆伏誅何謀上也不誅則亂臣賊子接迹於天下矣終綱目書公

主反逆誅死四鄂邑唐高陽太
平惟安樂以韋后黨書其黨

發明

元年書燕王旦謀反赦弗治則昭帝於天倫之恩已過厚矣至是覆出為惡夫復何辭然

旦於衛太子敗亡之後上書求入宿衛已有覬覦之心武帝怒而削其邑由今觀之天資好亂之人不至於覆亡不止而武帝知子之明亦為不可及矣

冬以韓延壽為諫大夫

文學魏相對策以為日者燕王為無道韓義出身強諫為王所殺義無比干之親而蹈比干之節宜顯賞

其子以示天下明為人臣之集覽比干殷紂無道王

義乃擢義子延壽為諫大夫

集覽

比干殷紂無道王

曰吾聞聖人心有七

質實

魏相平陵人

竅遂殺而剗視其心

質實

韓延壽燕人

書法

書諫大夫始此綱目書諫大夫七韓延壽夏

諫議大夫凡十六
詳光武建武五年

以張安世為右將軍杜延年為太僕

大將軍光以朝無舊臣安世自先帝時為尚書令志
行純篤乃白用安世為右將軍兼光祿勳以自副焉
又以延年有忠節擢為太僕右曹給事中光持刑罰
嚴延年常輔之以寬吏民上書言便宜輒下延年平
處復奏言可官諫者至為縣令或丞相御史除用滿
歲以狀聞或抵其罪法安世湯之子延年周之子也

集覽

白用告白於天子而任用之

質實

張安世杜陵人杜延年東海下邳人

書法

湯周子也二子可謂能蓋前人
之愆矣綱目書之所以示勸也

匈奴入寇邊兵追擊之獲甌脫王

自是匈奴忌漢以甌脫王為道擊之即西北遠去不敢南逐水草遣騎乞受降城以備漢北橋余吾水令可度以備奔走欲求和親而恐漢不聽故不肯先言常使左右諷漢使者然其侵盜益希遇漢使愈厚欲以漸致和親
集覽以甌脫王為道服虔曰甌脫土室漢亦羈縻之也胡兒作於境上以伺望漢人者立王以主之顏師古曰境上斥候之室為甌脫若今伏宿舍也甌去聲脫如字道引導也北橋余吾水北橋者於受降城北為橋以渡余吾水也余吾水注見武帝天漢四年羈縻索隱曰羈馬絡頭縻牛韁也漢

儀云言人被牽制如馬之受羈縻也

壬寅

二年夏赦

癸卯

三年春正月泰山石立上林僵柳復起生

泰山有大石自起立上林有僵柳自起生有蟲食柳葉曰公孫病已立符節令眭弘上書言大石自立僵柳復起必有匹庶為天子當求賢人禪帝位以順天命坐設妖言惑眾伏誅

集覽

泰山石

在泰安州北眭弘傳曰泰山萊蕪山南句句似數千人聲民視之有大石自立高丈五尺大四十八圍劉向傳曰冠石立於泰山注冠山下有石自立三石為足一石居上上林僵柳復起生眭弘傳曰昌邑有枯社木卧復起又上林苑中大柳樹斷枯卧地亦自立生蟲食柳葉曰公孫病已立柳葉上蟲所食成此五

字案病已宣帝名也符節令睦弘符節令主符節事周禮八節圖符節出入國門及往來於闕以竹為符取合焉睦弘姓質實泰山注見秦始皇二十八年名睦音息為反質實上林注見秦始皇二十六年

書法

宣帝之祥也綱目書石立
二是年哀帝建平三年

少府徐仁自殺腰斬廷尉王平

燕蓋之亂桑弘羊子遷亡過父故吏侯史吳後遷捕得伏法會赦吳自出繫獄廷尉王平與少府徐仁雜治皆以為吳非匿反者乃匿為隨者即以赦令除吳罪後侍御史治實以桑遷通經術知父謀反而不諫諍與反者身無異吳故三百石吏首匿遷不與庶人匿隨從者等吳不得赦奏請覆治劾廷尉少府縱反者仁丞相千秋女壻也千秋召中二千石博士會公車門議問吳法光於是以千秋擅召中二千石以下

外內異言遂下平仁獄朝廷皆恐丞相坐之杜延年
奏記光曰吏縱罪人有常法今更詆吳為不道恐於
法深丞相久故及先帝用事非有大故不可棄也間
者民頗言獄深吏為峻詆今丞相所議又獄事也如
是以及丞相恐不合衆心群下謹譁庶人私議流言
四布延年竊重將軍失此名於天下也光以平仁弄
法卒下之獄仁自殺平腰斬而不及丞相終
與相竟延年論議持平合和朝廷皆此類也
亡過父故吏侯史吳亡逃過經也父故吏謂桑遷父
弘羊舊日之吏也侯史複姓吳名也遷因亡匿而過
其家首匿遷為句吳自陳首隱匿桑遷也詆吳為不
道詆本作抵當也當吳以不道之罪案十惡罪其五
曰不道謂殺一家非死罪三人及支解人造畜蠱毒
厭魅丞相久故為句謂千秋乃老成耆舊也終與相
竟竟亦終也光與千秋交善竟終此
生也合和合音閤和去聲聲相應也

正誤

合和今按
並如字

集覽

書法

自殺未有不書故者不書故無故也無故者必有其故於是其咎者矣故二子書官

凡書腰斬甚之也據晁錯樂大劉屈竟成方遂皆腰斬不書腰斬

發明

案分注所載仁平議獄之事甚明而深文者詆之甚曲然且不免極刑此漢法之酷可知

綱目所以於二人之死書其官而不書其罪也

冬遼東烏桓反遣將軍范明友將兵擊之

初冒頓破東胡東胡餘衆散保烏桓及鮮卑山為二族世役屬匈奴武帝擊破匈奴左地因徙烏桓於上谷漁陽右北平遼東塞外偵察匈奴動靜置護烏桓校尉監領之使不得與匈奴交通至是部衆漸強遂反漢得匈奴降者言匈奴方發二萬騎擊烏桓霍光欲邀擊之以問護軍都尉趙充國充國以為烏桓間

數犯塞今匈奴擊之於漢便又匈奴希寇盜北邊幸
無事蠻夷自相攻擊而發兵要之招寇生事非計也
光更問中郎將范明友明友言可擊於是拜明友為
度遼將軍將二萬騎出遼東匈奴引去初光戒明友
兵不空出即後匈奴遂擊烏桓明友乘烏桓
救擊之斬獲甚衆匈奴由是恐不敢復出兵
匈奴即後猶言
倘若不及也
質實
烏桓注見宣帝本始三年鮮卑
注見光武建武二十五年趙充

國隴西
上邦人

甲辰四年春正月帝冠

書法

帝於是年十七矣終綱目書帝冠十有三詳
惠帝四年莫長於昭帝莫幼於宋主昱冠用

正月歲首也先是惟惠帝書三
月後此惟宋主昱書十一月

○丞相千秋卒

時政事一決大將軍光千秋居丞相位謹厚自守而已

二月以王訢為丞相○夏五月孝文廟正殿火帝素

服遣使作治考異

按甘露元年書太宗廟火則此孝文二字當作太宗

上及羣臣皆素服發中二千石將五校作治六日成

集覽

五校注見宣帝神爵元年

書法

先是書高園便殿火矣武帝建元六年後此書太上皇太宗廟火矣宣帝甘露元年皆書

素服不以作治書此其書作治何急宗廟也於是遣使作治六日而成可謂知所急矣故書是故昭帝急於宗廟則書遣使作治晉武慢於宗廟則書某年某月太康十年四月綱目之勸戒明矣

赦○遣使誘樓蘭王安歸殺之

初樓蘭王死匈奴先聞之遣其質子安歸歸得立為王漢詔令入朝王辭不至復為匈奴反間數遮殺漢使駸馬監傳介子使大宛詔因令責樓蘭王王謝服介子還謂大將軍光曰樓蘭數反覆而不誅無所懲艾願往刺之以威示諸國大將軍白遣之介子齎金幣揚言以賜外國為名至樓蘭王貪漢物來見介子與坐飲醉謂曰天子使我私報王王起隨介子入帳中壯士二人從後刺之遂斬其首馳傳詣關縣北關下立其弟在漢者尉屠耆為王更名其國為鄯善為刻印章賜以宮女為夫人備車騎輜重丞相率百官送至橫門外祖而遣之王自請曰國中有伊循城其地肥美願漢遣一將屯田積穀令臣得依其威重於是漢遣吏士田伊循以鎮撫之封介子為義陽侯司馬公曰王者之於戎狄叛則討之服則舍之今樓蘭

欽定四庫全書

卷五下

王既服其罪又從而誅之後有叛者不可得而懷矣必以為有罪則宜陳師鞠旅明致其罰今乃以大漢之強而為盜賊之謀於蠻夷不亦可集覽安歸歸安蓋哉論者或美介子以為奇功過矣歸質子之名也下歸還也尉屠者名也屠者音除祈橫門三輔黃圖云長安城北出西頭第一門名曰橫門如淳曰橫音光伊循城漢書循作修七制解伊修城在鄯善國漢於其中置屯田吏士處質實樓蘭國名注見武帝元鼎二年鄯善傳介子北地義渠人義陽縣名注見梁武帝太清二年

書法

淮南王布書誘誅之反者也樓蘭王殺漢使者則其書誘殺何樓蘭之罪既謝服矣以中

國而行盜賊之計於蠻夷以是為可醜也故書誘殺介子不書罪遣者也書誘殺始此終綱目書誘殺十是年劉備建安二年劉備殺楊奉後主建興四年吳呂蒙殺士徽懷帝永嘉五年石勒殺王彌

宋庚申年蒙遜殺歆梁丙午年拔陵殺胡琛陳甲申年周迪殺周敷隋煬帝大業十三年李密殺翟讓唐玄宗開元八年王琬殺僕固五代己酉年郭從義殺趙思綰書誘誅二高帝十二年唐憲宗元和四年

發明

誘殺之事春秋深貶烏有堂堂大漢乃為盜賊之謀而可臣妾萬國哉書遣使誘樓蘭王

安歸殺之其惡甚矣

乙巳五年夏大旱○發惡少年吏亡者屯遼東○冬大

雷○丞相訢卒

丙午

六年春正月築遼東玄菟城

書法

城不書必闕要而後書故內城書京都外城書關塞書漢長安吳武昌代盛樂平城涼姑

臧燕龍城夏統萬齊建康吳越杭州孟知祥成都周大梁南唐金陵皆都城也苟都城雖外郭必書書漢受降玄菟吳濡須魏九城齊軹關唐應龍奉天原州鹽州三城唐德勝晉澶州周李晏口皆關也塞

○夏赦○烏桓復犯塞遣范明友將兵擊之○冬十一月以楊敞為丞相

書法

自五年書丞相訢卒於是丞相虛位者一年始書楊敞光專也

發明

去冬書丞相訢卒至今冬始書以楊敞為丞相則是曠年虛揆度之位其於國體從可知

矣爰自武帝增重加官而丞相為具員是以國之
大事皆不與聞如顧命廢立之類觀之經目所書
蓋可想見君子安
得不為之三嘆也

丁未元平元年春二月減口賦錢什三集覽口賦錢漢儀注民年七歲

至十四出口賦人二十三錢二十錢以食
天子其三錢者武帝加口賦以補車騎馬
有流星大

如月衆星皆隨西行

書法

建元二年書有星如日矣於是復書流星大
如月皆大異也故通鑑不書綱目特書之果

踰月而國有大喪矣書流星始此終綱目書
流星三 是年成帝元延元年愍帝建興二年

夏四月帝崩大將軍光承皇后詔迎昌邑王賀詣

長安六月入即位尊皇后曰皇太后

帝崩無嗣時武帝子獨有廣陵王胥群臣欲立之胥
本以行失道先帝所不用大將軍光不自安即有上
書言周太王廢太伯立王季文王舍伯邑考立武王
唯在所宜雖廢長立少可也廣陵王不可以承宗廟
光即日承皇后詔迎昌邑王賀詣長安邸賀昌邑哀
王髡之子素狂縱動作無節武帝之喪游獵不止中
尉王吉諫曰大王不好書術而樂逸游數以戾脆之
玉體犯勤勞之煩毒非所以全壽命之宗也又非所
以進仁義之隆也夫廣廈之下細莠之上明師居前
勸誦在後上論唐虞之際下及殷周之盛考仁聖之
風習治國之道訢訢焉發憤忘食日新厥德休則俛
仰屈伸以利形專意積精以達神大王誠留意於此
則心有堯舜之志體有喬松之壽福祿臻而社稷安
矣皇帝仁聖至今思慕未怠於宮館園池弋獵之樂

未有所幸大王宜夙夜念此以承聖意諸侯骨肉莫
親大王於屬則子於位則臣一身而二任之責加焉
思愛行義嫌介有不具者於以上聞非饗國之福也
王乃下令曰中尉甚忠數輔吾過使賜牛肉酒脯而
放縱自若郎中令龔遂忠厚剛毅有大節內諫諍王
外責傅相引經義陳禍福至於涕泣褰褰亡已王嘗
與騶奴宰人游戲無度遂入見王涕泣膝行曰大王
知膠西王所以亡乎王曰不知也曰臣聞膠西王有
諛臣侯得王所為擬於桀紂而得以為堯舜王說其
諛常與寢處唯得所言以至於是今大王親近群小
漸漬邪惡存亡之機不可不慎臣請選郎通經有行
義者與王起居坐則誦詩書立則習禮容宜有益王
許之遂乃選郎中十人侍王數日皆逐去王嘗見大
白犬頸以下似人冠方山冠以問遂遂曰此天戒言
在側者盡冠狗也去之則存不去則亡矣又見大熊
左右莫見以問遂遂曰山野之獸來入宮室宮室將

空危亡象也王仰天嘆曰不祥何為數來遂叩頭曰臣不敢隱忠數言危亡之戒大王不說夫國之存亡豈在臣言哉願王內自揆度大王誦詩三百五篇人事決王道備王之所行中詩一篇何等也大王位為諸侯王行汙於庶人以存難以亡易宜深察之王終不改及徵書至夜漏未盡一刻以火發書日中發晡時至定陶行百三十五里從者馬死相望王吉奏書戒王曰臣聞高宗諒闇三年不言今大王以喪徵宜日夜哭泣悲哀而已慎無有所發大將軍仁愛勇智忠信之德天下莫不聞願大王事之敬之政事一聽之大王垂拱南面而已王到霸上大鴻臚郊迎駟奉乘輿車王使遂參乘至廣明東都門遂曰禮葬喪望見國都哭此長安東郭門也王曰我嗟痛不能哭至城門遂復言王曰城門與郭門等耳且至未央宮東闕遂曰昌邑悵在是大王宜下車鄉闕西面伏哭盡哀止王曰諾到哭如儀六月受璽綬襲尊號

集

覽

太王廢太伯立王季太王古公亶父也長子曰太伯次曰虞仲少曰季歷季歷生子名昌有聖瑞太

伯知古公意欲立季歷以傳昌二人乃亡如荆蠻以讓季歷是為王季後遂傳昌是為文王文王舍伯邑考立武王記檀弓文鄭氏注文王之立武王權也孔子家語曰周制立孫王肅注伯邑考文王長子言文王亦立子而不立孫也觥音博哀王之名訢訢古欣字喬松之壽王喬赤松子皆古仙人也楚辭遠遊篇聞赤松之清塵兮願承風乎遺則又曰吾將從王喬而娛戲晦庵集註案列仙傳赤松子神農時為雨師服水玉教神農能入火自燒至崑山上常止西王母石室隨風雨上下炎帝少女追之亦得仙俱去王喬周靈王太子晉也喬好吹笙作鳳鳴遇浮丘公接之仙去又楚辭惜誓篇曰赤松王喬皆在旁哀時命篇曰與赤松而結友兮比王喬而為耦娥介喻事細微也娥與織同介通作芥蹇蹇亡已亡已不止也蹇蹇

注見安帝建光元年蹇諤擬於擬音擬比也記擬人必於其倫方山冠其制前高七寸後高三寸長八寸以五采綬為之樂人所服蓋冠狗言皆是狗而冠者中詩一篇何等中去聲當也言王所行於三百五篇之詩當中理一篇與何篇可等比日中發日午時啟行脯時脯奉謨反日加申高宗諒闇商書說命王宅憂亮陰三祀注盤庚弟小乙子名武丁德高可尊故號高宗亮一作諒陰古作闇蔡氏傳曰案喪服四制云書曰高宗諒闇三年不言鄭玄注諒古作梁楣謂之梁闇讀如鶉鵲之鵲闇謂廬也即倚廬之廬儀禮前屏柱楣鄭氏謂柱楣所謂梁闇是也宅憂亮陰言居喪於梁闇也先儒以亮陰為信默不言則於諒闇三年不言為語復而不可解矣嗌痛嗌伊昔反咽喉也爾雅江東呼咽為嗌

質實

廣陵國名注見

後主建興二年王吉卿
邪卑虞人龔遂山陽人

書法

賀善贊曰昭帝初元即遣使問民疾苦繼書賑貸種食又書所貸勿收除今年租又書令

勿出馬又書問民疾苦又書罷權酷官又書減口賦錢然後虛耗之民始有生意昭帝於是可謂善繼矣光亦賢相矣哉○承皇后詔何不專立君累光也兩漢之世書迎書立者十書承皇后詔惟光而已詳呂氏辛酉年

葬平陵質實

一統志云平陵在西安府咸陽縣東北一十三里

○昌邑王有

罪大將軍光率群臣奏太后廢之

昌邑王淫戲無度昌邑官屬皆微至長安趨擢拜官龔遂諫請逐之不聽太僕丞張敞亦上書曰天子以歲年初即位天下莫不拭目傾耳觀化聽風國輔大臣未襃而昌邑小輩先遷此過之大者也又不聽大

將軍光憂懣以問故吏大司農田延年延年曰將軍
為國柱石審此人不可何不建白太后更選賢而立
之光曰今欲如是於古嘗有此不延年曰伊尹相殷
廢太甲以安宗廟後世稱其忠將軍若能行此亦漢
之伊尹也光乃引延年給事中陰與張安世圖計王
出遊光祿大夫夏侯勝當乘輿前諫曰天久陰而不
雨臣下有謀上者陛下出欲何之王怒縛勝屬吏光
讓安世以為泄語安世實不言乃召問勝勝對言在
鴻範傳光安世大驚以此益重經術士既定議召丞
相御史將軍列侯中二千石大夫博士會議未央宮
光曰昌邑王行昏亂恐危社稷如何群臣皆驚愕失
色莫敢發言延年離席按劍曰先帝屬將軍以幼孤
寄將軍以天下以將軍忠賢能安劉氏也今群下鼎
沸社稷將傾且漢之傳謚常為孝者以長有天下令
宗廟血食也如漢家絕祀將軍雖死何面目見先帝
於地下乎今日之議不得旋踵群臣後應者臣請劓

斬之光謝曰九卿責光是也於是議者皆叩頭曰唯
大將軍令光即與群臣俱見白太后太后乃幸未央
承明殿詔諸禁門毋內昌邑群臣安世將羽林騎收
縛二百餘人皆送廷尉詔獄光敕左右謹宿衛卒有
物故自裁令我負天下有敕主名太后威服坐武帳
中侍御數百人皆持兵期門武士陸戟陳列殿下群
臣以次上殿召昌邑王伏前聽詔尚書令讀奏曰丞
相臣敞等昧死言孝昭皇帝早棄天下遣使徵昌邑
王典喪服斬衰無悲哀之心廢禮誼居道上不素食
使從官畧畧女子載衣車內所居傳舍受璽大行前就
次發璽不封從官更持節引內昌邑驕牢官奴與居
禁閤內教戲發樂府樂器擊鼓歌吹作俳倡召內泰
壹宗廟樂人悉奏衆樂與孝昭皇帝宮人蒙等淫亂
太后曰止為人臣子當悖亂如是邪王離席伏尚書
令復讀曰祖宗廟祠未舉為璽書使使者持節以三
太牢祠昌邑哀王園廟稱嗣子皇帝受璽以來二十

七日使者旁午持節詔諸官署徵發凡一千一百二十七事荒淫迷惑失帝王禮誼亂漢制度臣敞等數進諫不變更日以益甚恐危社稷天下不安臣敞等謹與博士議皆曰五辟之屬莫大不孝宗廟重於君王不可以承天序奉祖宗廟子萬姓當廢臣請有司以一太牢具告祠高廟皇太后詔曰可光令王起拜受詔脫其璽組奉上太后扶王下殿出金馬門就乘輿副車光送至邸謝曰王行自絕於天臣寧負王不敢負社稷願王自愛涕泣而去群臣奏請徙王賀房陵詔歸賀昌邑賜湯沐邑二千戶國除為山陽郡昌邑群臣坐在國時不舉奏王罪過令漢朝不聞知又不能輔導陷王大惡皆下獄誅殺二百餘人唯中尉吉郎中令遂得減死髡為城旦師王式繫獄當死使者責曰師何以無諫書式對曰臣以詩三百五篇朝夕授王至於忠臣孝子之篇未嘗不為王反復誦之也至於危亡失道之君未嘗不流涕為王深陳之也

臣以三百五篇諫是以無諫書亦得減死論光以太
后省政宜知經術白令夏侯勝用尚書授太后遷勝
長信

集覽

鴻範傳鴻與洪通凡書非正經者謂之傳
其傳曰皇之不極厥罰常陰時則下人有

少府
伐上者惡察察言故云臣下有謀劉原父曰傳本云
下人伐上而勝自以不欲分明道之故改云臣下有
謀上者漢之傳謚常為孝者謂漢家相傳謚號皆加
一孝字其所以然者以下文所云也不得旋踵旋回
轉也踵足跟也謂不得會議者去九卿百官表漢以
太常光祿勳衛尉太僕廷尉大鴻臚宗正司農少府
為九卿後魏以來卿名雖仍舊而所蒞之局謂之寺
因曰九寺見白太后見形旬反白奏也見太后而奏
之母內母禁止之辭內讀曰納卒有物故自裁卒倉
沒反急遽也物故死也裁度也恐昌邑王忽自裁而
死殺主殺讀與弑同斬衰衰亦作縗倉回反喪衣也
杜預曰衰在冑前衣長六寸博四寸直心衣裳皆用

極麓生麻布旁及下際皆不緝故名斬衰其服三年
苴杖用竹居道上初被微在路上時受璽大行前史
記李斯傳大行未發注行如字人主之喪曰大行風
俗通曰天子新崩未有定謚故總其名曰大行皇帝
如淳曰大行不反之辭也李善文選注周書曰謚者
行之迹是以大行受大名細行受細名行音下孟反
就次發璽發開封也次謂喪次注見晉元帝建武元
年出次俳倡俳諧戲也倡女樂也漢書詆笑類俳倡
秦壹注見武帝元光二年太一蒙宮人名使者旁午
索隱曰凡物交橫為旁午故劉向傳注蜂午雜沓也
顏師古曰謂使者分布也案唐書白居易傳諭問旁
午注云旁去聲五辟辟刑也音闢墨劓劓宮大辟是
謂五刑墨謂刻其額而涅之劓謂割其鼻劓謂黥去
膝蓋骨宮謂淫刑男子割勢婦人幽閉大辟謂處死
也璽組璽注見周赧王四十一年組注見漢王劉邦
元年金馬門注見武帝元光五年王行行胡孟反言

亡也。湯沐邑。注見高帝十二年。髡為城旦。注見秦始皇三十四年。黥為城旦。白令屬下。句建白於太后。然後令勝授尚書長信少府長信皇后宮名少府職掌其官本名長信詹事。景帝更名長信少府。平帝更名長樂少府。**正誤**。自裁。今按裁猶引決。謂自殺也。韻書裁刺耳。如字。讀亦通。使者。今按言殺者常詞。究其義。乃為弒。旁午。今按旁如字。**質實**。夏後勝魯國人。房陵縣名。王武東平。新桃人。

發明

賀已正尊位而猶書昌邑王者。不予其帝也。夫廢立非國家之得已。以光之忠赤故武帝

家舉於託孤。觀其擁昭立宣。則光之大節可知。然惜其不先審昌邑之為人。率然立之。況其狂縱素著。漢朝豈無一人知其所為。必至於不可奉宗廟。乃始廢之哉。此則光不學無術。不能知人之過。爾

綱目僅不書昌邑有罪則光之心何以自白於天下後世乎

秋七月迎武帝曾孫病已即位尊皇太后曰太皇太

后考證

尊皇太后曰太皇太后九字誤書當去之○謹按漢書昭帝始元四年立皇后上官氏元平元

年昭帝崩霍光請皇后徵昌邑王賀受皇帝璽綬尊皇
后曰皇太后已而昌邑無道光率群臣奏太后廢之迎
宣帝入即位皇太后歸長樂宮黃龍元年元帝即位尊
為太皇太后建昭二年閏六月崩此上官后之始末也
今提要因通鑑舊文誤書尊皇太后曰太皇太后於病
已入即位之下宣帝實未嘗尊之當依漢書去此九字
而以黃龍元年
元帝尊之為正

初衛太子納史良娣生子進號史皇孫皇孫納王夫
人生子病已號皇曾孫生數日遭巫蠱事太子男女

妻妾皆受害獨皇曾孫在亦坐收繫郡邸獄故廷尉
監丙吉受詔治獄心知太子無事實重哀皇曾孫無
辜擇謹厚女徒胡組郭徵卿令乳養日再省視望氣
者言長安獄中有天子氣武帝遣使者分條中都官
詔獄繫者無輕重一切皆殺之夜到郡邸獄吉閉門
不納曰他人無辜死者猶不可況親曾孫乎使者不
得入還以聞武帝亦寤曰天使之也因赦天下吉聞
史良娣有母貞君及兄恭乃載皇曾孫付之後有詔
掖庭養視上屬籍宗正時掖庭令張賀嘗事衛太子
思顧舊恩哀曾孫奉養甚謹欲以女孫妻之賀弟安
世為右將軍輔政怒曰曾孫乃衛太子後也勿復言
子女事時暴室齎夫許廣漢有女賀以家財聘之曾
孫因依倚廣漢兄弟及史氏受詩於東海濩中翁高
材好學然亦喜游俠鬪雞走馬上下諸陵周徧三輔
以是具知閭里姦邪吏治得失及是吉奏記光曰今
社稷宗廟群生之命在將軍之一舉竊伏聽於衆庶

其所言諸侯宗室在列位者未有所聞也而武帝曾
孫名病已在掖庭外家者今十八九矣通經術有美
材行安而節和願將軍詳大義參以蓍龜先使入侍
令天下昭然知之然後決定大策天下幸甚七月光
會丞相以下議定所立遂上奏曰孝武皇帝曾孫病
已年十八師授詩論語孝經躬行節儉慈仁愛人可
以嗣孝昭皇帝後承祖宗子萬姓皇太后詔曰可光
遣宗正德迎曾孫就齊宗正府明日入未央宮見太
后封為陽武侯群臣奏上璽綬即皇帝位謁高廟侍
御史嚴延年劾奏大將軍光擅廢立主無人臣禮不
道奏雖寢然朝**集覽**良娣太子之妃有三等曰妃曰
廷肅然敬憚之**集覽**良娣曰孺子史皇孫以外家姓
稱之曰史病已已止也夙遭屯難而多病苦故名病
已欲速差也後改名詢分條中都官詔獄中都官京
師諸官府也漢儀注云長安中諸官獄三十六所非
一人所能治故分使疏錄之上屬籍宗正上是掌反

進也上宗屬之籍於宗正也宗正掌序錄王國嫡庶
之次及宗室親屬名籍掖庭令職掌後宮貴人采女
事暴室番夫漢官儀曰暴室主宮中婦人疾病者其
皇后貴人有罪亦就此室顏師古曰暴室掖庭主織
作練染之署也取暴曬為名耳或作薄室案薄亦暴
也今俗語亦云薄曬蓋暴室職務既多因以置獄主
治罪人故往往云暴室獄耳然本非獄名其屬官有
番夫一人以閹宦為之亦猶鄉縣之番夫也馭中翁
姓馭名中翁東海人也馭方目反中讀曰仲游俠荀
悅曰立氣勢作威福結私交以立彊於世者謂之游
俠索隱曰謂輕死重氣如荆軻豫讓之輩游從也行
也俠挾也持也言能相從游行扶輔之事也又任俠
注見武帝元朔二年著龜著音尸蒿屬史記龜策傳
太史公曰王者決定諸疑參之卜筮斷以著龜不易
之道也余至江南觀其行事問其長老云龜千歲乃
游蓮葉之上著百莖共一根又傳曰上有積著下有

神龜聞蒼生滿百莖者其下必有神龜
質實 丙吉魯

守之其上常有青雲覆之
賀杜陵人安世兄宗正德劉德楚元王交之後為宗
正令故云東海郡名注見秦二世二年陽武縣名注

見秦始皇

二十九年

書法

賀既書即位矣書昌邑王何不君也故以太

后書其書之何不以專廢君累光也是故不以專
廢君累光則特書奏太后不以專立君累光則特
書承皇后詔然則曾孫之立不書承太后詔其許
光以專立歟上書光率群臣奏太后矣不再書光

則蒙上

丈而已

發明

昌邑之立書光承皇后詔其廢也書光率群
臣奏太后至宣帝之立則直書迎入即位而

不書奏太后何哉蓋昌邑有不君之罪既立之而又廢之儻不上丞太后之命則光為專輒不臣矣至宣帝則足以奉承宗廟故不嫌於直書迎立也夫光以不學武人而所立若此綱目書之名正言順不特見光有托孤之節而武帝知人之明亦為不可及矣

赦○丞相敞卒以蔡義為丞相

義以明經給事大將軍幕府昭帝召見說詩擢光祿大夫數歲為丞相年八十餘貌似老嫗議者謂光置宰相用可專制者光曰以為集覽何謂云云何質實人主師當為宰相何謂云云故如此說

蔡義
溫人

冬十一月立皇后許氏

公卿議立皇后皆心擬霍將軍女亦未有言上乃詔
求微時故劍大臣知指白立許倖仔為皇后霍光以
后父廣漢刑人不宜君國歲餘乃封為昌成君胡氏
曰宣帝側微已娶許氏既登大寶則天下母也公卿
乃舍之而心屬光女不逆理乎光雖未言而意欲其
然也以其不封許廣漢則知其慍許后之立矣妻顯
邪謀蓋肇於此此霍

集覽

人指知求故劍意廣漢刑

氏之所覆宗也歟
記曲禮曰刑人不在君側注為怨恨為害也王制曰
古者公家不畜刑人大夫弗養士遇之塗弗與言也
屏之四方唯其所之不及以政示弗故生也公羊傳
襄二十九年君子不近刑人近刑人則輕死之道也
注云刑人不自賴也疏云猶言不自重似若世人名
輕賤之物云非可賴也又注見桓帝延熹九年天刑
之人側微側陋微賤時妻顯邪謀霍光之妻名
顯事在宣帝本姑三年至地節四年事覺伏誅

書法

義見立皇后張氏惠帝五年

太皇太后歸長樂宮初置屯衛

書法

歸者何順辭也太后遷辭二太后還歸某宮者順辭也遷太后于某宮者逆辭也終綱目

書太后徙某宮二晉穆帝升平元年崇德褚氏唐文宗開成五年續慶蕭氏書太后遷某宮一後周

辛亥年漢太后書太后歸某宮一足年上官氏書太后居某宮一唐憲宗元和十五年興慶郭氏皆

順辭也

戊申中宗孝宣皇帝本始元年春大將軍光請歸政不受

詔有司論定策安宗廟功大將軍光等皆益封光稽首歸政上謙讓不受諸事皆先關白光然後奏御自

欽定四庫全書

御批資治通鑑綱目

元

昭帝時光字禹及兄孫雲皆為中郎將山奉車都尉侍中領胡越兵兩女壻為東西宮衛尉昆弟諸壻外孫皆奉朝請為諸曹大夫騎都尉給事中黨親連體根據於朝廷及昌邑王廢光之權益重每朝見上虛已歛容禮下之已甚

書法

書請何光為恭也歸則歸耳何請為自是六年無聞焉光之心可知矣故書請聽之

夏四月地震○鳳凰集膠東赦勿收田租賦質實

膠東國名

注見景

帝三年

書法

光嘗祠鳳凰矣今而鳳凰集則光意也自是而書鳳凰者又反焉何帝世之多鳳凰哉至為之赦亦誣矣經目書免天下今年田租四折昭帝始元二年此以鳳凰集故則非出於恤農矣

追謚戾太子戾夫人悼考悼后置園邑考異

追上漏園子

詔曰故皇太子在湖未有號謚歲時祠具議謚置園邑有司奏禮為人後者為之子也故降其父母不得祭尊祖之義也陛下為孝昭皇帝後承祖宗之祀親謚宜曰悼母曰悼后故皇太子謚曰戾史良娣曰戾夫人皆質實
湖縣名注見武

改葬焉

質實

帝征和二年

書法

於是詔議故皇太子謚有司請謚太子曰戾史良娣曰戾夫人漢初公議猶凜凜也自帝

始尊私親其初猶曰考曰后而已未幾而尊曰皇考焉自是以後無不皇者矣哀之共皇桓之孝穆皇孝崇皇靈之孝元皇孝仁皇帝啟之也

召黃霸為廷尉正

霍光既誅上官桀遂以刑法痛繩羣下由是俗吏皆尚嚴酷而河南丞黃霸獨用寬和為名上在民間時知百姓苦吏急也聞霸持法平乃名

集覽

痛繩羣下

以為廷尉正數決疑獄庭中稱平治也如繩約物然不使跌宕也群下即百司庶府廷尉正正長官也庭中稱平七制解庭中庭尉之中也稱平稱美其持

質實

河南郡名注見秦莊襄王元年三川黃霸陽夏人

書法

武帝之世廷尉書張湯杜周讎也至帝始書黃霸于定國地節元年帝亦可謂能恤刑矣

己酉 **二年春大司農田延年有罪自殺**

昭帝之喪大司農僦民車延年詐增僦直盜取錢三千萬為怨家所告御史大夫田廣明謂杜延年曰春秋之義以功覆過當廢昌邑王時非田子實之言大事不成今縣官出三千萬自乞之何哉願以愚言白

大將軍延年言之光曰誠然實勇士也當發大義時
震動朝廷因自撫心曰使我至今病悸謝田大夫曉
大司農通住就獄得公議之廣明使人語延年
延年曰幸寬我耳何面目入牢獄遂自刎死

集覽

子實田延年表字
乞之乞音氣與也

質實

田延年陽陵人
田廣明鄭人

夏尊孝武皇帝廟為世宗所幸郡國皆立廟

詔曰孝武皇帝躬仁義厲威武功德茂盛而廟樂未
稱朕甚悼焉其與列侯二千石博士議於是群臣皆
曰宜如詔書夏侯勝獨曰武帝雖有攘四夷廣土境
之功然多殺士衆竭民財力奢泰無度天下虛耗至
今未復無德澤於民不宜為立廟樂公卿共難勝曰
此詔書也勝曰詔書不可用也人臣之誼宜直言正
論非苟阿意順指議已出口雖死不悔於是丞相御
文劾奏勝非議詔書毀先帝不道及丞相長史黃霸

阿縱勝不舉劾俱下獄有司遂請尊武帝廟為世宗廟奏感德文始五行之舞巡狩所幸郡國皆立廟勝霸既久繫霸欲從勝受尚書勝辭以罪死霸曰朝聞道夕死可矣勝賢其言遂授之繫再更冬講論不怠

集覽

不道為句感德文始五行之舞禮樂志高祖廟奏武德文始五行之舞武德舞高祖作象武以

除亂文始舞本舜韶舞高祖更名文始以示不相襲五行舞本周舞秦更名五行孝景采武德為昭德以尊太宗廟孝宣采昭德為感德以尊世宗廟其武德舞舞人執干戚文始舞執羽籥五行舞冠冕服法五色行

秋遣將軍田廣明等將兵及校尉常惠護烏孫兵擊匈奴

初烏孫公主死漢復以楚王戊之孫解憂為公主妻
岑陲岑陲胡婦子泥靡尚小岑陲且死以國與季父
大祿子翁歸靡曰泥靡大以國歸之翁歸靡立號肥
王復尚楚主生元貴靡公主及昆彌皆上書言匈奴
復連發大兵侵擊烏孫欲隔絕漢昆彌願發兵五萬
盡力擊匈奴唯天子出兵救之先是匈奴數侵漢邊
漢亦欲討之秋大發兵遣廣明等五將軍十六萬騎
分道並出以常惠為校尉持節護烏孫兵共擊匈奴

集覽

烏孫公主武帝以江都王

質實

常惠太

書法

書烏孫兵可矣必書曰常惠護何不以烏
孫敵漢將也綱目之脩內外之分而已矣

庚戌

三年春正月大將軍光妻顯弒皇后許氏考異

按纂
賾例

曰以毒弒者如進毒字而不地注曰霍顯又
加使醫字此條妻顯下漏使醫進毒四字

時霍光夫人顯欲貴其小女成君道無從會許氏當
娠病女醫淳于衍者霍氏所愛嘗入宮侍疾顯謂衍
曰將軍素愛成君欲奇貴之今皇后當免身若投毒
藥去之成君即為皇后矣如蒙力事成富貴共之衍
即擣附子齋入長定宮皇后免身後衍取附子并合
太醫大丸以飲皇后有頃曰我頭岑岑也藥中得無
有毒對曰無有遂加煩懣崩後有人上書告諸醫侍
疾無狀者皆收繫詔獄顯恐急即具語光曰既失計
為之無令吏急衍光大驚欲自發舉不忍奏上光署
衍勿論顯因勸光內其女入宮胡氏曰顯弑天下之
母而光不發覺則是與聞乎弑矣欲免於禍得乎哉
史稱沈靜詳審乃至於此富貴生不仁可不戒哉

集覽

道無從為句道與導通引也從猶言由也免身
案漢書身多作娠太醫大丸太醫少府屬官也

丸即所謂圓子今澤蘭丸之
類不忍奏上不忍猶言不敢

正誤

道無從今按道猶
路也從由也言無

由得貴其女猶張敞云其路無由也欲自發舉不忍
秦上今按當於忍字句絕霍光恐妻得罪不忍發其
弑逆之事於是獄吏奏上光命
勿論淳于衍恐辭及其妻也

書法

書大將軍光妻何與聞乎弑也光既聞之不
忍發舉則是與聞乎弑矣終綱目后書弑音

三宣帝許后獻帝伏后元魏于后弑
而書弑二晉惠帝賈后唐肅宗張后

發明

霍顯邪謀行於幽闇之中其端甚微其惡甚
大然光初不聞其事今直書大將軍光妻若

與聞之音何哉光始焉不知後乃知之儻能即時
討賊發其事而正其罪然後屏躬待命猶或可以
自免既知而不發則是真與聞矣求免
大惡之累得乎直筆書之非過貶也

葬恭哀皇后於杜陵南園質實

一統志云杜陵在西
安府城東南一十五

里樂

游原

書法

西漢后不書葬此書葬何不合葬也故地之書南園於是通鑑不書綱目特書之凡葬書

地讖也葬非其地書地附非其人書地名非其名書地宣許后書杜陵南園桓梁后書懿陵唐郭太武氏書乾陵非其人也漢和梁太后書西陵桓匡氏書博陵非其名也皆安母稱陵終綱目后葬書地者七是年象帝元壽元年和帝永元九年桓帝元嘉二年延熹二年唐中宗神龍二年宣帝九中二年皆讖也

夏五月田廣明有罪下吏自殺封常惠為長羅侯

匈奴聞漢兵大出奔遠遁五月軍罷田順不至期詐增南獲廣明知虜在前逗遛不進皆下吏自殺烏孫

昆彌自將五萬騎與常惠從西方入獲名王騎將以
下四萬級馬牛羊驢七十餘萬頭封惠為長羅侯於
是匈奴遂衰耗單于自將數萬騎擊烏孫會天大雨
雪一日深丈餘人畜凍死還者不能什一於是丁令
乘弱攻其北烏桓入其東烏孫擊其西所殺數萬級
重以餓死人民什三畜產什五諸國羈屬者皆瓦解
攻盜不能理滋欲鄉

集覽

不至期詐增鹵獲詐一本
作許刊誤逗遛逗大透反

和親而邊境少事矣
遛力救反漢書音義曰逗遛曲行避敵也漢法兵行
而逗遛畏懦者斬丁令即丁靈注見武帝天漢元年
烏桓其先東胡也續漢書曰漢初匈奴冒頓破東胡
其餘衆退保烏桓山因為號焉其俗無常居男女悉
髡頭為輕便滋欲鄉和親滋益
也鄉讀曰嚮舊漢書滋作茲
正誤
增鹵獲今按當
於期字句絕言田順不至所期之遠也初遣五將軍
擊匈奴期以出塞各二千餘里田順八百餘里即止

兵不進
質實
一統志云長羅漢之縣名屬陳留郡宣
帝封常惠為長羅侯即此東漢初省之

故云
故城在大名府長
垣縣西南三十里

大旱○六月丞相義卒以韋賢為丞相魏相為御史大

夫質實

韋賢魯
國驕人

○以趙廣漢為京兆尹

初廣漢為潁川太守潁川俗豪傑相朋黨廣漢為鉅
簡受吏民投書使相告訐於是更相怨咎姦黨散落
盜賊不得發由是入為京兆尹廣漢遇吏殷勤甚備
事推功善歸之於下咸願為用彊仆無所避廣漢皆
知其能之所宜盡力與否其或負者輒收捕之無所
逃案之罪立具尤善為鉤距以得事情閭里銖兩之
姦皆知之其發姦撻伏如神京兆政清
集覽
項同鉅
長老傳以為自漢興治京兆者莫能及

若今盛錢藏餅為小孔可入不可出簞斷竹也如今
官受密事簞也或鉤者設欲知馬價則先問鉤已問羊
廣漢本傳曰鉤距者設欲知馬價則先問鉤已問羊
又問牛然後及馬參伍其價以類相準則知馬之貴
賤不失實矣晉灼曰鉤致距閉也使對者無疑若不
問而自知衆莫覺所由以閉其術為鉤距也毛氏曰
鉤距如釣鉤之有距吞之則順吐之則逆使人入其
術中而不能出以鉤索其隱情也發姦撻伏顏師古
曰發謂動發之也姦究也撻挑伏隱
也謂為姦而隱匿者必為撻發之
質實 趙廣漢姦
吾人賴川

詔名注見靈
帝中平二年

辛
四年春三月立大將軍光女為皇后赦

初許后起微賤登至尊日淺從官車服甚節儉及霍
后立舉駕侍從益盛賞賜官屬以千萬計與許后時

大縣
絕矣

書法

立后書氏恒也書大將軍女何權所在也而許后之所以弑蓋著矣故權在於光則以大

將軍先女書權在於莽則以安漢公莽女書平帝元始二年終綱目立后書某女者二而已

夏四月地震山崩二郡壞祖宗廟帝素服避殿詔問
經學及舉賢良方正之士

胡氏曰地者妻道也臣道也宜靜而動陰盛而反常也然不能終動與天同也不過為妻道不得而臣道不寧之象耳是時郡國四十九同日地震山崩二郡壞祖宗廟蓋霍氏專權又弑許后而立其女以至咎徵著見如此而不知戒宣帝詔問經學舉賢良亦無敢端言其所以然者使宣帝恐懼祇戒以象類推求

而有以善處之則霍氏異
日之禍亦無由而成矣

書法

於是郡國四十九同日地震山崩二郡壞祖

宗廟大異也其為霍氏陰威之證明矣而經
學賢良之對無及此者何哉終綱目書地震一百
一而書求言者纔八是年地節三年元帝初元二
年成帝建始三年順帝陽嘉二年再書桓帝建和
元年元嘉元年世主之以變為玩者多矣綱目之
書地震自隋書天下地震之外未有於此者也
終綱目宗廟書壞三是年唐玄宗開元五年五代
壬子年蜀

發明

去春書霍顯弒后今書立光女為后至夏四
月則書地震山崩壞祖宗廟蓋近在閏月之

間其為霍氏明矣夫地為真道宜靜而震至於壞
祖宗廟者不可以主祀之證也綱目據事直書雖

不明其證而證則在其中矣

以夏侯勝為諫大夫黃霸為揚州刺史

上以地震釋勝霸而用之勝為人質樸守正簡易無威儀或時謂上為君誤相字於前上亦以是親信之嘗見出道上語上聞而讓勝勝曰陛下亦以是親信之揚之堯言布於天下至今見誦臣以為可傳故傳耳朝廷每有大議上謂曰先生建正言無慙前事復為長信少府遷太子太傅年九十卒太后素服五日以報師傅

集覽

誤相字於前相去聲誤道君字為相字於宣帝之前出道上語嘗朝見而出外

以主上之語道與人

正誤

誤相字於前今按顏師古注君前臣名不當相呼字於君前也

書法

自初置刺史武帝元封五至是三十七年書黃霸

五月鳳凰集北海質實

北海郡名注見桓帝延熹三年

地節元年春有星孛于西方○冬十二月晦日食○

以子定國為廷尉質實

子定國東海郡人

定國為廷尉乃迎師學春秋備弟子禮為人謙恭雖卑賤皆與鈞禮其決獄平法務在哀鰥寡罪疑從輕如審慎之心朝廷稱之曰張釋之為廷尉集覽鈞禮天下無冤民于定國為廷尉民自以不冤禮無責賤之別

二年春三月以霍禹為右將軍大司馬大將軍博陸侯霍光卒

大將軍光病車駕自臨問為之涕泣光上書謝恩願
以三邑封兄孫山為列侯即日拜光子焉為右將軍
光薨謚曰宣成賜葬具如乘輿制度置園邑三百家
以奉守復其後世疇其爵邑世世無有所與胡氏
疇名與器不可以假人人臣而用天子之禮是宣
帝追賜而霍氏受之非也卒生禹雲山等僭亂之心
宣帝亦有集覽疇其爵邑張晏曰律非始封十減二
以訖之也疇等也言不復減其爵也邑謂食品
苦二戶顏師古曰家業世世相傳為疇無有
不與與音預復除其賦役世世無所干預

夏四月以張安世為大司馬車騎將軍領尚書事

魏略上封事曰聖王褒有德以懷萬方顯有功以勸
百寮是以朝廷尊榮今新失大將軍宜顯明功臣以
填諸國毋空大位以塞爭權車騎將軍安世忠信謹
厚國家重臣也宜尊其位上亦欲用之安世深辭不

能得乃拜大司馬車
騎將軍領尚書事

鳳凰集魯大赦質實

魯國名注見光
武建武五年

書法

於是三書鳳凰再為之赦
而加大馬帝之自欺甚矣

○以霍山為奉車都尉領尚書事御史大夫魏相給事

中

上思報大將軍德乃封光兄孫山為樂平侯使以奉
車都尉領尚書事魏相因許廣漢奏封事言春秋讖
世卿惡宋三世為大夫及魯季孫之專權皆危亂國
家自後元以來祿去王室政由冢宰今光死子復為
右將軍兄子秉樞機昆弟諸胥據權勢在兵官夫人
顯及諸女皆通籍長信宮或夜詔門出入驕奢放縱

欽定四庫全書

御批資治通鑑綱目

三

恐寢不制宜有以損奪其權破散陰謀以固萬世之
基金功臣之世又故事諸上書皆皆為二封署其一
曰副領尚書者先發副封所言不善屏去不奏相復
因許伯白去副封以防壅蔽帝善之詔相給事中皆
從其議帝興于閭閻知民事之難霍光既薨始親
政事厲精為治五日一聽事自丞相已下各奉職奏
事敕奏其言考試功能侍中尚書功勞當遷及有異
善厚加賞賜至于子孫終不改易樞機周密品式備
具上下相安莫有苟且之意及拜刺史守相輒親見
問觀其所由退而考察所行以質其言有名實不相
應必知其所以然常稱曰庶民所以安其田里而亡
歎息愁恨之心者政平訟理也與我共此者其惟良
二千石乎以為太守吏民之本數變易則下不安民
知其將久不可救罔乃服從其教化故二千石有治
理效輒以璽書勉厲增秩賜金或爵至關內侯公卿
缺則選諸所表以次用之是故漢世良吏於是為盛

稱中集覽

魏相因許廣漢奏封事言為句漢舊儀密

興焉自達因廣漢以進讎世卿公羊傳隱三年尹氏卒尹氏者何天子之大夫也其稱尹氏何讎世卿世卿非禮也注世卿者父死子繼也貶去名者氏者起其世也若曰世世尹氏也禮公卿大夫士皆選賢而用之不當世為其秉政久必奪君之威權惡宋三世為大夫公羊傳僖二十五年宋殺其大夫何以不名宋三世無大夫三世內娶也注三世謂茲父王臣震曰也內娶大夫女也言無大夫者禮不臣妻之父母國內皆臣無娶道宋以內娶故公族以弱如黨益彊卒生篡弑故君子疾惡之魯季孫之專權季孫行父魯公子季友之孫是為文子文子季孫宿是為武子武子孫季孫意如是為平子專魯之權卒逐昭公通籍顏師古曰籍者為三尺竹牒記其年紀名字物色縣之宮門禁省相應乃通出入相復因許伯白去副封

許伯即許廣漢案七制解伯名廣漢魏相先嘗因許伯奏封事今又因以建白上前而除去副本至于子孫貢父曰謂賞賜逮及子孫耳非謂侍中尚書至于孫不改易良二千石良循良也二千石謂郡守諸侯王相漢官儀云二千石俸月百二十斛又有真二千石月百五十斛如淳曰律二千石俸月萬六千真二千石月二萬案是三萬斛則是真二千石也選諸所表選用嘗蒙增秩賜金進爵所旌表者

質實

一統志云長信宮在西安府咸陽縣境渭水南史記秦始皇初居長信宮即此樂平縣名注見晉懷帝永嘉二年

書法

特筆也自相給事中而幾事皆得以燕見言之矣故劉章入宿衛而呂氏之柄分魏相給

事中而霍氏之權失綱目皆特書之

匈奴壺衍鞬單于死弟虛閭權渠單于立

時漢以匈奴不能為寇罷塞外諸城以休百姓單于喜謀欲和親

甲寅 三年春三月賜膠東相王成爵關內侯

詔曰膠東相王成勞未怠流民自占八萬餘口治有異等之効其賜成爵關內侯秩中二千石後詔問郡國上計長史守丞以政令得失或對言前膠東相成偽自增加以蒙顯賞是後俗吏多為虛名云

集

覽

流民自占占去聲韻會載隱度戶口來附本業曰自占漢書注自隱度口數而著名籍也秩中二千

石索隱曰中滿也漢制九卿已上秩一歲滿二千斛漢官儀云中二千石俸月百八十斛崔浩云中二千石亦不滿二千蓋千八百耳郡國上計長史守丞劉貢父曰郡使守丞國使長史皆一名也故總言郡

國上計長史守丞後百官志諸侯王相如太守長史如郡丞又邊郡有丞有長史長史上計無疑矣長史者通于令丞尉之綱與守丞連言之說不可不爾顏師古曰凡郡國皆掌治民常以春行所主縣勸民農桑振救乏絕秋冬遣無害吏案訊諸囚論課殿最歲盡遣詣京師上計上計者奉上戶口錢穀之數也周禮小司徒歲終則令郡吏致事注致事上其計簿也上時掌反楚辭大招篇發政獻行禁苛暴文公集註獻行令百官上其行治如周禮令群吏致事漢法令郡國上計

夏四月立子奭為皇太子

霍顯聞立太子怒不食曰此乃民間時子安得立即后有子反為王邪復教后毒太子數召賜食保阿輒先嘗之后挾集覽保阿保護阿毒不得行倚太子之人

五月丞相賢致仕

賢以老病乞骸骨賜黃金安車駟馬罷就第丞相致仕自賢始

書法

書致仕何予知止也武帝之世宰相往往誅死賢首致仕可謂過人遠矣故綱目喜書之

書致仕始此終綱目書致仕二十二年是年章賢和帝永元十三年呂孟晉成帝咸康四年顧舍宗士

辰年何尚之梁已酉年魏楊椿唐高宗咸亨元年劉仁軌許敬宗弘道元年李義琰中宗嗣聖四年

韋思謙二十一年朱敬則神龍二年唐休璟李懷遠玄宗開元二十一年宋璟德宗貞元二十一年

韓全義憲宗元和二年杜佑武宗會昌三年仇士良昭宗大順二年楊復恭乾寧元年鄭紫二年章

昭度昭宣帝天祐四年蘇循五代丁亥年唐周玄豹辛卯年吳宗齊丘戊戌年晉范延光而書請致

仕者一杜佑書以致仕者四楊復恭韋昭度周玄豹宋齊丘

六月以魏相為丞相丙吉為御史大夫

發明

韋賢老而謝事足見保全大臣之意其視武帝世非戮辱不去者大有逕庭至於丙魏輔

政並書于冊則帝之用人又可觀矣

以疏廣為太子太傅兄子受為少傅考異

以上上漏廣字

太子外祖父平恩侯許伯以為太子少白使其弟中郎將舜監護太子家上以問廣廣對曰太子國儲副君師友必於天下英傑不宜獨親外家且太子官屬已備復使舜護太子家示陋非所以廣太子德於天下也上善其言以語魏相相免冠謝**集覽**示陋為句曰此非臣等所能及廣由是見器重

以淺陋也一統志云平恩漢之縣名屬廣平國東漢廢之故城在廣平府曲周縣平恩鎮疏廣

東海蘭陵人

大雨雹以蕭望之為謁者質實

蕭望之東海蘭陵人

京師大雨雹大行丞蕭望之上疏言陛下思政求賢堯舜之用心也然而善祥未臻陰陽不和是大臣任政一姓專權之所致也附枝大音賊本心私家戚者公室危惟陛下躬萬機選同姓舉賢才以為腹心與參政謀明陳其職以考功能則庶事理矣上素聞望之名拜為謁者時上博延賢俊多上書言便宜輒下望之問狀高者請丞相御史次者中二千石試事滿歲以狀聞下者報聞罷所白處奏皆可

集覽

高者請丞相御史次者中二千石試事滿歲以狀聞仲馮曰此共是一條不當中斷其文高者令丞相御

史試事次者令中二十石試事歲滿則各以水開奏也下者報聞罷本作下者報聞或罷歸田里所白處

奏所白所處

書法

書雨電多矣未有書大者書大雨電始此終綱目書雨電二十四詳景帝二年而書大者

四是一年新莽己巳年靈帝中平二年獻帝初平四年

秋九月地震詔求真言省京師屯兵罷郡國宮館假

貸貧民

詔曰乃者地震朕甚懼焉有能箴朕過失以匡不逮毋諱有司朕既不德不能附遠是以邊境屯戍未息今復飭兵屯兵池籩未御幸者假與貧民郡國宮館騎右將軍屯兵池籩未御幸者假與貧民郡國宮館

勿復修治流民還歸者假
公田貸種食且勿算事

集覽

池藥池者陂池也藥
者禁苑也且勿算事

高帝初為算賦民年十五至五十六出賦錢人一算
女子年十五至三十不嫁者五算如淳曰百二十為
一算唯賈人與奴婢倍算今且勿
算事者不令出算賦不給徭役也

書法

書美之也綱目書地震一百一而書求言者
繞八帝居其二焉本始四年是年帝可謂遇

災而懼者矣書求直言始此終綱目書求直言五
是年順帝陽嘉二年梁丙戌年魏唐中宗神龍元
年石晉戊戌年書求言一梁己未年魏書開言路
一後唐乙未年書詔言事四靈帝建寧二年晉元
帝大興二年齊己未年齊主戊辰年魏主書詔極
言三明帝永平八年唐太宗貞觀十一年五代乙
卯年周世宗書詔陳過失二成帝河平元年唐太
宗貞觀十一年書詔上封事一五代辛亥年周太

以張安世為衛將軍諸軍皆屬以霍禹為大司馬

罷其屯兵

霍氏驕侈縱橫太夫人顯僭擬淫放帝自在民間聞知霍氏尊盛日久內不能善既親政魏相給事中數燕見言事平恩侯與侍中金安上等徑出入省中吏民奏封事不關尚書群臣進見獨往來於是霍氏甚惡之上頗聞霍氏毒殺許后而未察乃徙光女壻未央衛尉范明友中郎將羽林監任勝長樂衛尉鄧廣漢為他官更以張安世為衛將軍兩宮衛尉城門北軍兵屬焉以霍禹為大司馬冠小冠亡印綬罷其屯兵官屬特使禹官名與光俱大司馬者諸領胡越騎羽林及兩宮衛將屯兵悉易以所親信許史子弟代

之
集覽

城門北軍城門校尉掌京師城門屯兵有司馬十二城門候中壘校尉掌北軍壘門內尉

一人主上書者獄上章於公車有不如法者付北軍尉治之胡越騎胡騎校尉掌池陽胡騎越騎校尉掌越騎如淳曰胡人越人內附以為騎兵也

書法

特筆也而霍氏之權盡收矣故書罷其屯兵而霍氏之誅決矣書解其領軍而元乂之誅

決矣齊乙巳年
魏皆特筆也

冬十二月置廷尉平

初孝武之世徵發煩數百姓貧耗窮民犯法姦軌不勝於是使張湯趙禹之屬條定法令作見知故縱監臨部主之法緩深故之罪急縱出之誅其後姦猾巧法轉相比比况禁罔寢密律令煩苛文書盈於几閣典

者不能徧睹是以郡國承用者或罪同而論異姦吏因緣為市所欲活則傳生議所欲陷則子死比議者咸冤傷之上在閭閻知其若此會廷尉史路溫舒上書曰臣聞秦有十失其一尚存治獄之吏是也夫獄者天下之大命也死者不可復生絕者不可復屬書曰與其殺不辜寧失不經今治獄吏則不然上下相毆以刻為明深者獲公名平者多後患故治獄之吏皆欲人死非憎人也自安之道在人之死是以人血流離刑徒比肩大辟之計歲以萬數此仁聖之所傷也太平之末洽凡以此也夫人情安則樂生痛則思死捶楚之下何求而不得故囚人不勝痛則舐辭以示之吏治者利其然則指導以明之上奏畏卻則鍛鍊而周內之蓋奏當之成雖臯陶聽之猶以為死有餘辜何則成鍊者衆丈致之罪明也故俗語曰畫地為獄議不入刻木為吏期不對此皆疾吏之酷悲痛之辭也唯陛下省法制寬刑罰則太平之風可興於

世上善其言詔以廷史任輕祿薄置廷尉平秩六百石員四人每季秋後請讞時上常幸宣室齊居而決事獄刑號為平矣涿郡太守鄭昌上疏言明主躬垂明聽雖不置廷平獄將自正若閒後嗣不若剛定律令律令一定愚民知所忌姦吏無所弄矣今不正其本而置廷平以理其末政衰聽怠則廷平將招權而為亂

集覽

見知故縱監臨部主之法顏師古曰人有犯法或見或知而不舉告為故縱而所監

臨部主亦有罪并連坐也緩深故之罪時武帝欲急刑吏深害及故入人罪者皆寬緩之比況比例也況譬擬也記王制篇疑獄比以成之注已行故事曰比比音必利反郡國承用者漢書作郡國承用者駁姦吏因緣為市姦詐之吏旁緣弄法受財若市賈交易傳生議顏師古曰傳讀曰附予死比與死例相比況也秦有十失一羞文學二好武勇三賤仁義四貴獄吏五罪誹謗六禁妖言七盛服先王不用於世八忠

良切言皆鬱於胃九喜虛譽十蒙實禍上下相毆
與驅同上而朝廷下而郡縣上而官長下而僚屬皆
相毆迫以苛刻從事深者獲公名深文者得奉公之
名稱平者多後患持法平者厥後反多患害大辟之
計大辟死刑計算數也鍛鍊而問內之內讀曰納吏
之內人於罪中猶工冶陶鑄鍛鍊成熟也奏當之成
崔浩曰當處其罪也案奏當所應郡國獄疑獄皆處
當以報之丈致之罪以丈法致人於罪謂之文致嚴
延年傳文致不可得反注致至密也言具文案整齊
反音幡畫地為獄議不入指畫地為獄戶雖知非真
獄人且擬議而不願入也刻木為吏期不對雕刻木
偶為吏人雖識非真吏且期望而不對也路溫舒傳
注期猶必也廷尉平漢書注平音病平其不平也李
秋後請獄獄魚列反議罪也用季秋議罪順時殺之
也

氣正誤

比況今按比當作毗至切集覽於武帝元狩
六年法比所音是也必一切乃比及之比

質實

路溫舒
鉅鹿人

侍郎鄭吉擊車師破之因田其地質實

鄭吉會稽人

車師王與匈奴結婚教匈奴遮漢道侍郎鄭吉將免
刑罪人田渠犂發諸國兵與所將田士合萬餘人共
擊車師破之車師王請降吉等歸渠犂車師王犇烏
孫匈奴更以王昆弟兜莫為王收其餘民東徙而吉
使吏卒往田車
師地以實之

集覽

田渠犂渠犂即支渠犂西域國在輪臺東今屯田於此

書法

此屯田之端也至神爵而後始書屯田

乙卯四年春二月賜外祖母號為博平君質實

一統志云博平漢之

縣名屬東郡晉屬平原國隋初屬毛州改屬博平大業初屬清河郡唐屬博州貞觀初省入聊城天授初復置

欽定四庫全書

御批資治通鑑綱目

四

宋景祐間徙治東南二十里寬河鎮即
今治金元仍舊本朝因之改屬東昌府

上初即位數遣使求外家至是得王媼
及其男無故武賞賜巨萬皆封列侯

集覽

無故武
名也即

王媼
之男

書法

推恩外祖母始此自是新野君安帝太后母
之屬皆不書書其始而已終綱目書外氏號

三傳平新野唐魯國
夫人其二因卒見之

詔有大父母父母喪者勿繇

詔曰百姓遭凶而繇使不得葬傷孝子
之心自今勿繇使得送終盡其子道

書法

書志仁政也通鑑
不書綱目特書之

夏五月山陽濟陰雨雹殺人質實

山陽郡名注見成帝河平二年濟陰郡名

注見光武建武八年

雹大如鷄子深二尺五寸

書法

書雨雹多矣未有書殺人者雹至殺人為異大矣綱目書雹二十四書殺人一而已

詔自今子匿父母妻匿夫孫匿大父母皆勿治

詔曰父子夫婦天性也雖有患禍猶蒙死而存之誠愛結於心豈能違之自今子匿父母妻匿夫孫匿大父母皆勿治

集覽

蒙死蒙冒也子匿父母本紀作子首匿父母注首匿言為謀首而藏匿罪人也

書法

厚人倫也故書美之終綱目恤刑之政書勿坐二是年元康四年皆帝之仁政也

秋七月霍氏謀反伏誅夷其族皇后霍氏廢

霍顯及禹山雲自見日侵削數相對啼泣自怨山曰
今丞相用事縣官信之盡變易大將軍時法令發揚
大將軍過失又諸儒生多竄人子遠客饑寒喜妄說
狂言不避忌諱大將軍常讎之今陛下好與儒生語
人人自書對事多言我家者又聞民間謹言霍氏毒
殺許后寧有是邪顯恐急即具以實告禹山雲驚曰
縣官斥逐諸壻用是故也此大事誅罰不小奈何於
是始有邪謀矣雲舅李竟坐與諸侯王交通辭語及
霍氏有詔雲山不宜宿衛免就第山陽太守張敞上
封事曰臣聞季友有功於魯趙衰有功於晉田完有
功於齊皆疇其庸延及子孫終後田氏篡齊趙氏分
晉季氏顓魯故仲尼作春秋述威衰譏世卿景甚乃
音大將軍決大計安宗廟海內之命斷於掌握方其
威時感動天地侵迫陰陽朝臣宜有明言曰輔臣顯

政貴戚大威君臣之分不明請罷霍氏三侯就第明
詔以恩不聽群臣以義固爭而後許之天下必以陛
下為不忘功德而朝臣為知禮霍氏世世無所患苦
今朝廷不聞直聲而令明詔自親其文非策之得者
也今兩侯已出人情不相遠以臣心度之大司馬及
其枝屬必有畏懼之心夫近臣自危非完計也臣敞
願於廣朝白發其端直守遠郡其路無由唯陛下省
察上甚善其計然不召也禹山等謀令太后為博平
召置酒召丞相平恩侯以下使范明友鄧廣漢丞太
后制引斬之因廢天子而立禹事覺七月雲山明友
自殺禹要斬顯及諸女昆弟皆棄市與霍氏相連坐
誅滅者數十家皇后霍氏廢處昭臺宮封告者皆為
列侯初霍氏奢侈茂陵徐生曰霍氏必亡夫奢則不
遜不遜必侮上侮上者逆道也霍氏秉權日久天下
害之而又行以逆道不亡何待乃上疏言霍氏泰威
陛下即愛厚之宜以時抑制無使至亡書三上輒報

聞至是人為徐生上書曰臣聞客有過主人者見其
竈直突傍有積薪客謂主人更為曲突遠徙其薪不
者且有火患主人不應俄而失火鄰里共救之幸而
得息於是殺牛置酒謝其鄰人灼爛者坐於上行餘
各以功次坐而不錄言曲突者人謂主人曰鄉使聽
客之言不費牛酒終亡火患今論功而請賓曲突徙
薪無恩澤焦頭爛額為上客邪主人乃寤而請之今
茂陵徐福數上書言霍氏且有變宜防絕之鄉使福
說得行則國無裂土出爵之費臣無逆亂誅滅之貶
往事既已而福獨不蒙其功唯陛下察之上乃賜福
帛十匹以為郎帝初立謁見太廟大將軍光驂乘上
嚴憚之若有芒刺在背後張安世代光驂乘上從容
肆體甚安近焉故俗傳霍氏之禍萌於驂乘後十二
歲霍后復徙雲林館乃自殺班固曰霍光受襁褓之
託擁昭立宣雖周公阿衡何以加此然不學亡術闇
於大理陰妻邪謀立女為后湛溺盈溢之欲以增顛

覆之禍死纔三年宗族誅夷哀哉司馬公曰霍光久
專大柄不知避去多置親黨充塞朝廷使人主蓄憤
於上吏民積怨於下切齒側目待時而發其得免於
身幸矣况子孫以驕侈趣之哉雖然鄉使孝宣專以
祿秩賞賜富其子孫使之食大縣奉朝請亦足以報
盛德矣乃復任之以政授之以兵及加裁奪遂生邪
謀豈徒霍氏之自禍哉亦孝宣醞釀以成之也夫以
顯禹雲山之罪雖應夷滅而光之忠勲不可不祀遂
使家無唯類孝

集覽

宴人子宴郡羽反又音慮貧無
禮者季友魯莊公母弟公子友

桓公之季子故稱季友有功於魯為上卿至文子武
子世增其業後平子顓魯攢卒逐昭公趙衰晉獻公
時事公子重耳重耳出奔趙衰從後重耳反國是為
文公衰為原大夫任國政文公所以反國及霸多衰
之計策也後趙敬侯卒分晉國田完田敬仲完世家
陳完陳厲公佗之子也後奔齊以陳字為田氏完卒

謚敬仲八世之後卒有齊國疇其庸疇等也言功臣
子孫襲封與先人等也周禮民功曰庸國家為民立
官故有功於民者曰庸廣朝句絕謂大朝會時博平
君宣帝外祖母王媼輒報聞為句輒止也止於報聞
而不見施行人為徐生人謂當時有人也為去聲助
也徐生即徐福竈直突突者竈窻也更為曲突更改
也曲則不直而火勢慢不者為句不俯九反猶言否
則也灼爛者坐於上行行戶郎反列也救火而被燒
炙者坐於上列以為郎郎注見武帝元朔三年若有
芒刺芒草端也刺七賜反如棘刺其背從容肆體從
七恭反從容從任其容止不矜莊也肆體身體舒放
也周公名旦武王弟也武王崩成王在襁褓中旦代
其當國七年後還政阿衡臆太甲之相伊尹之號也
蔡氏曰阿衡商之官名亦曰保衡陰婁邪謀陰與蔭
通庇也言藏匿其妻之邪謀無噍類噍
正誤
臣欽願
於廣朝

鰥也如淳曰言無復有活而噍食者

白發其端今按十字通為一句書三上輒報聞今按
毛晃韻輒每事即然也此義近之不可訓止人為徐
生上書今按毛晃增韻為亦訓與此義近之不必訓助
質實山陽郡名注見成

縣名注見武帝建元二年周公注見秦昭襄王
五十二年阿衡注見宋順帝昇平元年伊尹

書法

賊未有不書主名者此其書曰霍氏何眾辭
也是故霍氏舉族皆反則書氏爾朱舉族可

誅則書氏梁辛亥年於是雲山自殺耳皆以伏誅
書謀上也故后亦以自廢為文謀反書氏終綱目

一而
已

九月詔減天下鹽賈令郡國歲上繫囚掠笞瘦死者以

課殿最集覽

瘦死瘦音愈漢律囚以饑寒而死曰
瘦課殿最注見武帝元鼎四年課最

欽定四庫全書

御批資治通鑑綱目

五十一

書法

帝於是可謂仁矣特書美之自帝有此令至

綱目於恤刑之政書惠
囚者二是年庚申年

發明

帝自親政以來所用之人已有可觀至於設

貧民矣至是又詔減天下鹽賈嚴瘐死之禁留意
政事若此欲不中興得乎詳而書之其美著矣

○以朱邑為大司農

邑少為桐鄉番夫廉平不苛以愛利為行未嘗笞辱
人存問孤老吏民愛敬之遷北海太守以治行第一
入為大司農惇厚篤於故舊公正不可交以私身為
列卿居處儉節祿賜以共族黨家無餘財及卒天子
下詔稱揚賜其子
金百斤以奉祀

集覽

桐鄉番夫桐鄉即皖城古舒
州也今安慶府是王介甫封

舒國公詩云當時我自愛桐鄉又詩云行問番夫多
不記番夫注見文帝三年以愛利為行愛利謂愛人
而安利也正誤以愛利為行今按謂實實朱邑舒人
行言迹也以愛人利物為事也
舒郡注見獻帝建安四年皖城
北海郡名注見桓帝延熹三年

以龔遂為水衡都尉

先是勃海歲饑盜賊並起上選能治者丞相御史舉
龔遂拜勃海太守召見問何以治盜賊對曰海瀕遐
遠不需聖化其民困於饑寒而吏不恤故使陛下亦
子盜弄陛下之兵於潢池中耳今欲使臣勝之邪將
安之也上曰選用賢良固欲安之也遂曰臣聞治亂
民猶治亂繩不可急也唯緩之然後可治臣願丞相
御史且無拘臣以文法得一切便宜從事上許焉加
賜黃金贈遣乘傳至勃海界郡發兵以迎遂皆遣還

移書敕屬縣罷逐捕吏諳持田器者皆為良民吏毋
得問持兵者乃為賊遂單車至府盜賊聞遂戮令即
時解散棄其兵弩而持鉤鉏於是悉平民安土樂業
遂乃開倉廩假貧民選用良吏慰安牧養焉齊俗奢
侈好末技不田作遂躬率以儉約勸民務農桑各以
口率種樹畜養民有帶持刀劍者使賣劍買牛賣刀
買犢曰何為帶牛佩犢勞來循行郡中皆
有畜犢獄訟止息至是入為水衡都尉

集覽

陛下

盜弄陛下之兵於潢池中潢池音潢汙行潦之水池
也言如小兒戲弄兵器於潢池之中平之不難也唐
宣宗時雞山群盜起詔討之崔鉉曰此皆陛下赤子
迫於饑寒盜弄兵於谿谷間不足辱大軍也亦倣此

說質實

勃海郡名注見獻
帝建安八年南皮

丙辰元康元年春正月初作杜陵質實

杜陵注見元
帝初元元年

書法

書初何緩辭也恭哀后之莫南園久矣於是始作治焉是故宣帝即位十年始作杜陵則

書初世祖即位二十五年始作壽陵則書

初明帝即位十五年始作壽陵則書初

○三月赦

以鳳凰集

甘露降也

夏五月追尊悼考為皇考立寢廟

有司復言悼園宜稱尊號曰皇考於是立廟范鎮曰宣帝於昭帝帝為孫則稱其父為皇考可也然議者終不以為是者以其以小宗而合大宗之統也程子曰為人後者謂其所後者為父母而謂其所生者為伯叔父母此天地之大義生人之大倫不可得而變易者也然所生之義至尊至大雖當專意於正統豈得

盡絕於私恩是以先王制禮既明大義降其服以正
統緒然不以正統之親疏而皆為齊衰不杖期以別
之則所以明其至重而與諸伯叔父不同也宣帝稱
其所生為皇考亂倫失禮固已甚矣而後之議禮者
又不能推所生之至恩以明尊崇之正禮乃欲奉以
高官大國但如期親尊屬故事則亦非至當之論也
要當揆量事體別立殊稱若曰皇伯叔父某國大王
而使其子孫襲爵奉祀則於大統無嫌貳之失而在
所生亦極尊崇之道矣然禮謂為人後者為其父母
云者猶以父母稱之何也曰既為人後則所生之父
母者今為伯叔父母矣然直曰伯叔父母則無以別
於諸伯叔父母而見其為所生之父母故其立文不
得不爾非謂既為人後而猶得
集覽齊衰齊音咨衰
以父母名其所生之父母也
倉回反杜預曰
衰在冑前衣長六寸博四寸其服三年齊緝也衣裳
冠制並如斬衰但用次等鹿生布緋緝其旁及下除

皆齊者曰齊衰不杖期杖期不杖期服制與齊衰同
但用又次等鹿生布記問喪篇杖者何也曰為父苴
杖苴杖竹也為母削杖削杖桐也杖者以何為也曰
孝子喪親哭泣無數身病體羸以杖扶病也則父在
不敢杖笑以
尊者在故也

殺京兆尹趙廣漢

趙廣漢好用世史子孫新進年少者專厲強壯猛氣
見事風生無所回避率多果敢之計莫為持難以私
怨論殺男子榮富人上書言之事下丞相御史按驗
廣漢疑丞相夫人殺侍婢欲以脇丞相乃將吏卒入
丞相府召其夫人跪庭下受辭收奴婢十餘人去丞
相上書自陳事下廷尉治不如廣漢言上惡之下廣
漢廷尉吏民守闕號泣者數萬人竟坐要斬廣
漢庶明威制豪彊小民得職百姓追思歌之

集覽

蠶氣蠶讀如鋒言鋒銳之氣難犯也韓王信傳因其
蠶而東嚮見事風生言其見事疾速不可當無所回
避言不畏避也回如字讀崇
畜姓名守閫守去聲詣也
正誤專厲強壯蠶氣今
兼取蠶義蓋所用諸年少行事猝暴如蠶之群飛螫
人銳氣不可禦也守閫今按守如字謂守待而不去
也

書法

書殺何甚帝也周官八議議賢議能若廣漢
延壽可謂能矣雖有罪豈足以死哉故綱目

甚之

書殺

貶少府宋疇為泗水太保質實

泗水國名注見唐昭
宗景福元年泗州

疇議鳳凰下彭城未
至京師不足美故貶

質實

彭城縣名注見泰
始皇二十八年

書法

自少府貶耳何以書子疇也先是書鳳凰集三未有議之者於是鳳凰下彭城疇獨非之

可謂特立之士矣綱目於鳳凰下彭城不書書貶疇予其議也

以蕭望之為平原太守復徵入守少府質實

平原郡名注見秦始

皇三十

七年

上選博士諫官通政事者補郡國守相以諫大夫蕭望之為平原太守望之上疏曰陛下哀愍百姓出諫官以補郡吏然朝無諍臣則不知過所謂憂其末而忘其本者也上乃徵望之入守少府

以尹翁歸為右扶風

翁歸為人公廉明察為東海太守過辭廷尉于定國定國欲託邑子與翁歸語終日不敢見曰此賢將汝

欽定四庫全書

御批資治通鑑綱目

五十四

不任事也又不可干以私郡中吏民賢不肖及姦邪
罪名盡知之縣各有記籍自聽其政有急名則少緩
之吏民小解輒披籍取人必於秋冬課吏大會中及
出行縣不以無事時其有所取也以一警百吏民皆
服改行自新以治郡高第入為扶風選用廉平以為
右職接待以禮好惡同之其負翁歸罰亦必行緩於
小弱急於豪彊課常為三輔最其在公卿間清潔自
守語不及私然溫良謙退不以行能驕人故尤得名
譽

集覽

欲託邑子定國家在東海郡邑子謂同邑之

不敢令邑子出見翁歸此賢指翁歸也翁歸既去定
國乃謂邑子云入為扶風入內地作扶風郡太守右
職漢法地道尊右
故高職曰右職
正誤
謂同邑之人
質實
尹翁歸

莎車叛衛候馮奉世矯發諸國兵擊破之以奉世為光

祿大夫質實

莎車國名注見
武帝元狩四年

上令群臣舉可使西域者前將軍韓增舉馮奉世以
衛候使持節送諸國客至伊循城會故莎車王弟呼
屠微與旁國共殺其王萬年及漢使者自立揚言北
道諸國已屬匈奴於是攻劫南道歟盟畔漢從鄯善
以西皆絕不通奉世計以為不亟擊之則莎車日彊
其執難制必危西域遂以節諭告諸國發其兵進擊
莎車攻拔其城莎車王自殺傳首長安更立他昆弟
子為王諸國悉平奉世以聞帝召見韓增曰賀將軍
所舉得其人議封奉世丞相將軍皆以為可獨蕭望
之以為奉世奉使有旨而擅矯制發兵雖有功效不
可以為後法即封奉世開後奉使者利要功萬里之
外為國家生事於夷狄漸不可長乃以為光祿大夫

集覽

萬年莎車王名歟盟注見
周赧王五十七年歟血

質實

馮奉世上
黨路人

書法

矯制雖討叛必書矯示民有君也綱目之修君臣之分而已矣

發明

莎車書叛不為無罪奉世破之不為無功然矯之一字終不可得而免也權其輕重而公

其書法則

功罪見矣

丁巳二年春正月赦○二月立健仔王氏為皇后

上欲立皇后懲艾霍氏欲害皇太子乃選後宮無子而謹慎者立長陵王健仔為皇后令母養太子

夏五月詔二千石察其官屬治獄不平者郡國被疾疫

者毋出今年租考異

提要無其字漢書詔文亦無其字

詔曰獄者萬民之命能使生者不怨死者不恨則可謂文吏矣今則不然用法或持巧心析律貳端深淺

不平增辭飾非以成其罪奏不如實上亡由知二千石各察官屬勿用此人吏或擅興徭餽尉傳稱過使客越職踰法以取名譽譬猶踐薄冰以待白日豈不殆哉天下頗被疾疫之災其令被災甚者毋出今年租

集覽

可謂文吏文法也吏能如此則無愧於奉賦法矣析律記王制曰析言破律注巧賣法

令者也飾尉傳稱過使客尉謂飲食傳謂館舍裝飾之以稱愜經過使客之意

書法

綱目書疫十五而書救災之政者二是年元帝初元元年世主之恤民者寡矣終綱目書

州郡除田租者四是年陽帝延平元年桓帝延熹元年辛未年魏主熹境內災傷量蠲者二唐太宗

貞觀元年熹
宋元和七年

帝更名詢

詔曰聞古天子之名難知而易諱也其更諱詢

匈奴擾車師田者詔鄭吉還屯渠犂

匈奴大臣皆以為車師地肥美使漢得之多田積穀必害人國不可不爭數遣兵擊車師田者鄭吉將渠犂田卒救之為匈奴所圍吉上言願益田卒上與趙充國等議欲因匈奴衰弱擊其右地使不敢復擾西域魏相諫曰臣聞救亂誅暴謂之義兵兵義者王敵加於已不得已而起者謂之應兵兵應者勝爭恨小故不忍憤怒者謂之忿兵兵忿者敗利人土地貨寶者謂之貪兵兵貪者破恃國家之大矜民人之眾欲見威於敵者謂之驕兵兵驕者滅此五者非但人事乃天道也間者匈奴嘗有善意所得漢民輒奉歸之未有犯於邊境雖爭屯田車師不足致意中今聞諸將軍欲興兵入其地臣愚不知此兵何名者也今邊

郡困乏難以動兵軍旅之後必有凶年言民以其愁
苦之氣傷陰陽之和也出兵雖勝猶有後憂今守相
多不實選風俗尤薄水旱不時按今年計子弟殺父
兄妻殺夫者凡二百二十二人臣愚以為此非小變
也今左右不憂此乃欲報讎介之忿於遠夷殆孔子
所謂吾恐季孫之憂不在顓臾而在蕭牆之內也上
乃遣常惠將騎往車師迎鄭吉吏士還渠犂遂以車
師故地與匈奴相好觀漢故事數條漢興已來國家
便宜行事及賈誼鼂錯董仲舒等所言奏請施行之
敕掾史按事郡國及休告還府輒白四方異聞或有
逆賊災變郡不上相輒奏
集覽 右地注見武帝天漢
言之與丙吉同心輔政三年見威見音現顯
示之也不在顓臾而在蕭牆顓臾魯附庸國季氏恐
為子孫憂欲伐之孔子說所憂者不在彼而在此言
恐內變將作也其後家臣陽虎果因季桓子鄭氏曰
蕭之言蕭也牆屏也人臣至此加肅敬焉爾雅翼云

欽定四庫全書

卷五下

周人炳蕭使臬陽達於牆屋故曰蕭牆數條屬下句
數頻也顏師古曰凡言條者一一而疏舉之若木條
焉休告李斐曰休謂之名吉曰告凶曰寧孟康曰古
者名吏休假曰告顏師古曰告者請謁之言謂請休
耳

發明

匈奴擾車師田者自常情觀之與兵謀討可
也魏相深見遠識諫而止之書詔鄭吉還屯
渠犂則戡兵保民之美可勝既哉未幾匈奴衰弱
終於臣服則車師之地果何關於勝敗之歟乎

以蕭望之為左馮翊

帝以蕭望之經明持重論議有餘材任宰相欲詳試
其政事復以為左馮翊望之從少府出為左遷即移
病上使侍中諭意曰所用皆更治民以考功若前為
平原太守日淺故復試之於三輔非有所聞也望之

即起
集覽
為左馮翊作左馮翊郡太守左遷諸侯王
表左官之律韋昭以為左猶下也漢法地

道尊右故謂
貶秩為左遷

戊午

三年春三月封故昌邑王賀為海昏侯

上心忌故昌邑王賀賜山陽太守張敞璽書令謹備
盜賊毋下所賜書敞於是條奏賀居處衣服言語跪
起清狂不惠以著其廢亡之效

質實

一統志云海昏
漢之縣名屬豫

章郡東漢置建昌縣晉以海昏縣省入仍屬豫章隋
屬洪州唐初於縣置南昌州尋廢州為縣仍屬洪州
宋屬南康軍元陞為建昌州國朝復改為縣屬南康
府故城在縣北六十里漢廢昌邑王為海昏侯就國
築城
於此

書法

於是帝即位十一年矣而賀尚存漢之俗猶厚也故書予之

封丙吉等為列侯故人阿保賜物有差

丙吉為人深厚不伐善自曾孫遭過絕口不道前恩會掖庭宮婢自陳嘗有阿保之功辭引使者丙吉知狀上親見問然後知吉有舊恩而終不言大賢之初張賀嘗為弟安世搆皇曾孫之材美及徵恠安世輒絕止以為少主在上不宜稱述曾孫及帝即位而賀已死上謂安世曰掖庭令平生稱我將軍止之是也詔曰朕微眇時丙吉史曹許舜皆有舊恩張賀輔導朕躬修文學經術思惠卓異厥功茂焉詩不云乎無德不報封賀子彭祖及吉曾孫皆為列侯故人下至郡邸獄復作嘗有阿保之功者皆受官祿田宅財物各以恩深淺報之吉臨當封病上憂其不起夏侯勝曰有陰德者必饗其樂今吉未獲報非死疾也果瘡

張安世自以父子封侯在位太盛乃辭祿安世謹慎
周密每定大政已決輒移病出聞有詔令乃驚使吏
之丞相府問焉自朝廷大臣莫知其與議也嘗有所
薦其人來謝安世大恨以為舉賢達能豈有私謝耶
絕弗復為通有郎功高不調自言安世曰君之功高
明主所知人臣執事何短長而自言乎絕不許已而
郎果
集覽
自曾孫遭過宣帝武帝曾孫也征和二年
遷
有天子氣遣使欲殺之丙吉閉門不納獲免故云遭
遇阿保之功有阿依保護之恩知狀句絕謂丙吉知
此情狀微惟微知陵反杜預曰微始有形象而微也
惟通作怪異也奇也故人下至郡邸獄復作自故舊
已下至於在郡邸獄中復役工
正誤
自曾孫遭過今
作之人有恩者各以深淺報之
免未為遭遇當指掖庭養視屬藩宗正以後事故人
下至郡邸獄復作今按漢書宣帝號皇曾孫生數月

遭巫蠱事收繫郡邸獄丙吉為廷尉監憐曾孫亡辜使女徒復作趙徵卿胡組更乳養私給飲食視遇甚有恩註諸郡邸置獄治天下郡國上計者此蓋巫蠱獄繫故曾孫寄在郡邸獄復音服謂弛刑徒也有詔赦去其鉗鈹赭衣更犯事不從徒加與民為例故當復為官作滿其本罪年月日律名為復作

書法

推恩阿保始此然賜物而已未封也自是而後有封君者延光二年安帝王聖陽嘉二年

順帝宗城有封其子者永興二年桓帝馬惠子初其卒也至號為皇太后永興二年桓帝馬惠子初

已年魏濟
常氏甚哉

夏六月立子欽為淮陽王質實

淮陽國名注見周赧王三十七年陳州

書法

宣帝封立不悉書據楚東平中山不書書欽何帝所愛欲立為太子者也故謹志之

○疏廣疏受請老賜金遣歸

皇太子年十二通論語孝經太傅疏廣謂少傅受曰
吾聞知足不辱知止不殆今宦成名立如此不去懼
有後悔即日俱移病上疏乞骸骨上皆許之加賜黃金
二十斤皇太子贈以五十斤公卿故人設祖道供帳
東都門外送者車數百兩道路觀者皆曰賢哉二
大夫或歎息為之下泣廣受歸鄉里日令其家賣金
共具請族人故舊賓客與相娛樂或勸以為子孫立
產業者廣曰吾豈老耄不念子孫哉顧自有舊田廬
令子孫勤力其中足以共衣食與凡人齊今復增益
之以為贏餘但教子孫怠墮耳賢而多財則損其志
愚而多財則益其過且夫富者衆之怨也吾既無以
教化子孫不欲益其過而生怨又此金者聖主所以
惠養老臣也故樂與鄉黨宗族共饗其賜以盡吾餘
日不亦可乎於是族人悅服胡氏曰以宦成名立為

榮而求免於危辱此非君子之高致而疏廣甘以自居何也曰此廣所以加人數等而古今未之知也太子年既十二其資質志趣已可槩見觀其親政之年二十七而猶不省名召致廷尉為下獄以至再屈師傳於牢獄而卒殺之則其憤憤有素疏廣矐之已熟知其不可扶持而教詔也審矣是以決意去之觀其語曰不去懼有後悔則其微意可見矣易曰君子見幾而作疏廣有焉

集覽

祖道祖道供帳

武帝征和三年供帳漢書作供張注供居共反張通作帳供具張設也不省召致廷尉為下獄事在元帝初元二年再屈師傳於牢獄而卒殺之師傳謂蕭望之也事在同上憤憤音古對反心亂也矐之矐音古覓反視也

書法

前稱兄子受矣此其不稱兄子何不以廣掩受名也請老常也在西漢為高節故並書之

書賜金遣歸榮之也終綱目書請老一而已書賜金三
是年元康四年唐太宗貞觀七年皆予辭也

發明

前書丞相賢致仕由漢以來固未嘗有然猶曰仕至上公老病而去云爾至疏廣疏受方傳儲君乃亦勇於請老何哉在禮大夫七十致仕乃理之常漢廷諸臣知進而不知退戮死相望儻皆能如二子見幾而作何至不保其身哉賜金遣歸特書于冊蓋予之也

以潁川太守黃霸守京兆尹尋罷歸故官

黃霸為潁川太守使郵亭鄉官皆畜雞豚以贍鰥寡貧窮者為條教行之民間勸以為善防姦及務耕桑節用殖財種樹畜養初若煩碎然精力能推行之吏民見者語次尋繹問他陰伏以相參考聰明識事吏民不敢有所欺姦人去入他郡盜賊日少霸力行教化而後誅罰務在成就全安長吏曰數易長吏送故

欽定四庫全書

御批資治通鑑綱目

卷一百一十五

迎新之費及奸吏因緣絕簿書盜財物公私費耗甚多皆當出於民所易新吏又未必賢或不如其故徒相益為亂凡治道去其泰甚者耳霸以外寬內明得吏民心戶口歲增治為天下第一徵守京兆尹尋坐法貶秩詔復歸潁川為太守以八百石居官

集覽

邦亭顏師古曰傳送文書所止處如今驛館鄉

官鄉所治處也語次尋繹問他陰伏因語語之次摻尋繹繹雖其他陰伏之事亦問而知之因緣絕簿書盜財物姦欺之吏因交代之際棄匿簿書盜去官物

未已

四年春正月詔年八十以上非誣告殺傷人勿坐○

右扶風尹翁歸卒

翁歸卒家無餘財詔曰翁歸廉平鄉正治

集覽

鄉正

民異等其賜翁歸子黃金百斤以奉祭祀

集覽

鄉正

嚮通
趣也

書法

三輔未有書卒者卒翁
歸錄賢也異韓趙矣

求高祖功臣子孫失侯者賜金復其家考異

祖當
作帝

凡三百
十六人

書法

賜金與復耳何以書嘉念功也書錄功臣後六
是年成帝永始

元年平帝元始二年章帝建初七年安帝永初六
年桓帝延熹三年立廟圖畫不與焉宣帝甘露三
年明帝永平二年後主災興
元年唐太宗貞觀十七年

大司馬衛將軍富平侯張安世卒質實

富平縣名注見
光武建武五年

敬謚曰

以韋玄成為河南太守質實

韋玄成平陵人賢之子

初扶陽節侯韋賢薨長子弘有罪繫獄家人矯賢令以次子玄成為後玄成深知其非賢雅意即陽狂不應召大鴻臚奏狀章下丞相御史案驗玄成友人侍郎章亦上疏言聖王貴以禮讓為國宜優養玄成勿枉其志使得自安衡門之下而丞相御史遂以玄成實不病劾奏之有詔勿劾引拜玄成不得已受爵帝高其節以為

集覽

衡門之下顏師古曰橫一木以為

河南太守下可以棲遲毛萇傳云衡門如字衡橫也沈云此古文橫字衡門橫木為門言淺陋也文公集傳曰門之深者有阿塾堂宇此惟橫木為之

質實

一統志云扶陽漢之縣名屬沛郡東漢省之韋賢之後封

侯即此故城在徐州
蕭縣西南六十五里

遣光祿大夫義渠安國行邊兵

初武帝開河西四郡隔絕羌與匈奴相通之路斥逐諸羌不使居湟中及帝即位義渠安國使行諸羌先零豪言願時度湟水北逐民所不田處畜牧安國以聞後將軍趙充國刻安國奉使不敬是後羌人旁緣前言抵冒度湟水郡縣不能禁既而先零與諸羌解仇交質上以問充國對曰羌人所以易制者以其種自有豪數相攻擊孰不壹也往西羌反時亦先解仇合約然羌孰不能獨造比聞匈奴數誘羌人欲與之共擊張掖酒泉地疑其遣使至羌中與相結羌乃解仇作約到秋馬肥麥必起矣宜遣使者行邊兵豫為備敕視諸羌毋令解仇以發覺

其謀於是兩府復白遣安國

集覽

河西四郡酒泉武威張掖燉煌

皆河西之地羌說文羌西方牧羊人也續漢書云羌
本三苗姜姓之別裔今河關之西南羌是也湟中地
理志湟水出金城郡臨羌縣塞外至允吾東入河一
名樂都水本小月氏胡所居案允吾縣名屬金城郡
允音鉛吾音牙義渠安國使行詣羌義渠本西戎種
名後因以為姓安國名也後書西羌傳涇北有義渠
之戎使行並去聲奉使巡行諸羌之地也諸羌按漢
書注羌有百五十四種散處三河先零西羌種名也
先音銑零音憐抵冒度湟水抵觸冒犯而前度交質
如左傳王子狐為質於鄭鄭公子忽為質於周是也
質音

正誤

先零今按漢書先字
無音只作如字讀

質實

一統志云湟中
古西羌所居之

地名漢置破羌縣屬金城郡東漢置西平郡晉宋為
禿髮烏孤所據後魏置鄯州後周改置樂都郡隋初
郡廢置鄯州大業初廢州置西平郡唐因之治湟水
縣上元間沒於吐蕃號青唐城宋收復置鄯州尋改

西寧州元屬亦集乃路國朝置西寧衛屬陝西行都
指揮使司湟水在臨洮府蘭縣西一百八十里一名
金城河一名河水源出大小榆
谷之北與洮水浩疊河水合



御批資治通鑑綱目卷五下